

CONSTANTIVS PEREGRINVS

C A S T I G A T V S

seu

R E L E C T I O
I T I N E R I S

Q V A D R I M E S T R I S

B V Q V O I.

Authore

B E R C H T O L D O à R A V C H E N S T E I N.



B R U G G E

Apud H E N R I C U M L E P O R A R I V M.

A N N O

M. D C. X X I.

695

III. 372

XIII^e - 1930: 5103

Ad Lectorem.



Væ refutanda mis-
hi in Peregrino
visa sunt, ea ipsius
verbis recensere
volui, uti palam
esset, me antiqua
fide scribere, ac nihil fingere,
quod responderem, satis enim est
quod Peregrinus finixerit, cui re-
sponderetur. Numeros hominis
innocentiores meis verbis per-
A 2 strin-



Ad Lectorem.

strinxi, ut lector totum eius libel-
lum pernosceret, neue crederet à
me quædam omissa, quod Pere-
grino faciendum fuisset; Imò si
omnia omisisset, nihil amisisset.
Bruggæ Anno Christi 1621. Iu-
nij ¹⁷/₇.

A
CON.

CONSTANTIVS PEREGRINVS

CASTIGATVS

seu.

R E L E C T I O
ITINERIS QVADRIMESTRIS

B V Q V O I



Rodijt non ita pridem Bruñæ primūm, tum
Viennæ Austriae libellus nescio cuius perso-
natibellatoris, alieno nomine recti, Buquoij,
quadrimestre iter progressusque inscriptus,
Bauarico nomini & exercitui Catholici fœderis iniurio-
sus, omnia ferme Buquoio, omnia suæ genti vindicans,
ut quoniam ipsi cuncta non fecere armis, ipse calamo fa-
ceret, vento a lingua egregius miles, Constantium se no-
minat, & identidem fallax per Iter improuidus labitur,
nomine sibi ipsi aduerso.

Ecquis iste Constantius? cùm paucos ante menses
prælium Pragense in lucem daret, Candidum Eblanum
sese indigitavit, nunc repente instar Morphei os hume-
rōsque alios gerens Constantius dicitur noua appellatio-
ne, veteri oris profluvio. Frustra quidem larvam præten-
dere nifus, indicio suo proditur sorex. Non est lac lacri-
tam simile, quam Candidus Constantio, quid dico simi-
lis?

B

Constantius Peregrinus

lis? Candidus Constantius est, & Constantius Candidus.
Idem ingenium, idem partium studium, idem orationis
filum, eadem dictio eadem verba, eadem ineptia. Præte-
rea uti verè Constantius sit & habeatur, etiam ipsius nar-
ratio sibi apprimè constat; nam in editione Brunnensi alia
narrat, alia in Viennensi: habemus reum ipsum confi-
tentem, sic enim in fine libelli Viennensis loquitur.
Hæc secunda editio Viennensis, editioni prima Brunnensi præferenda est,
ut ipso auctore plenius informata recognita. Bellè & constan-
ter mi Constanti: Orote, cur præferenda est Viennensis
editio? an quia verior? falsa ergo ex parte Brunnensis; &
quia tu Constantius es, falsumque Brunnæ scripsisti, con-
stanter Constantio credam, te quoque falsa Viennæ scri-
psisse. Si Viennæ plenius, ut loqueris, informatus es, er-
go non plenè informatus Brunnæ. temerè scripsisti, &
& quia hic fecellisti, cur credam te Viennæ non fecellisse?
Sed quid tu de informatione infis? non cgebas; nam ocu-
lo teste prope omnia sciebas; ais enim N. i. hunc in modū.
Et certè ferè nihil scribam, cuius non fuerim oculatus testis. Cùm
ergo tuus oculus præsens caligārit, sed coram ferme oñia
viderit, quid alienos oculos solicitasti, ut tuum videntem
illuminarent, & te pleniùs informarent? Eodem loco
addis, *Libenter quidquid fuerit mihi exploratum proponam.* Quæro
quando tibi omnia explorata fuerint? an Brunnæ? ecquid
ergo explorata emendasti Viennæ? Si Viennæ primū
explo-

castigatus.

3

explorata omnia fuere; ergo Brunnæ etiam ea prompsisti,
quæ nec tibi explorata erant, nec ab oculis tuis visa. Sed
venia danda est, si in testium inopia affectus loquatur.

Verùm Constantij nomen infaustiore omne suscep-
tum, compensat Peregrini cognomen, quod deest alte-
ri; verissime ehim Peregrinus est, & id toto libro Euclidia-
na demonstratione comprobat: fuerit in bello, fuerit in
acie, qua Bohemia concidit; interea tamen etiam Pere-
grinus fuit, nec vidit, quæ vidit, nec audiuit, quæ audi-
uit, omnia illi peregrina, & quod caput est, veritas quoq;:
sed peregrinus non solum, verùm quod eius famæ illu-
strius est, etiam poëta. vbique versus, vbique Pegasi spu-
ma, & temulenti Apollinis vomitus; carminum farrago,
non sati s digna historico, libellum eius implet: sed pla-
ceat color, si male delineata imago displicet. Liceret &
nobis poëtas describere, si nugari liberet, non vacat esse
tam disertis, qui Musas colimus seueriores.

Quia verò mihi Peregrinus iter designauit, animus
est insequendi, & pede volante vestigia premere, ea tamen
lege, ut quoties nutat, mihi fas sit, verbere excitare. De-
beo hoc Catholico foederi Catholicus, debeo Bauariæ
Bauarus, debeo meo Principi cliens. Protestor verò prin-
cipiò nihil me dedita opera scripturum quod ignominiae
sit aut Buquoio, aut ei quem duxit exercitui. Vterque
laudem egregiam meruit, & meruisse etiam scriptor s-
ua, quam

B 2

si quam laudem alijs dedit, alijs non ademisset. Panegyrista Monacensis eum, quem celebrandum suscepserat, haud inuidioso encomio extulit. Laudauit enim vnum ex omnibus, nullo ex omnibus vel tenui morsi uncula læso, neque enim idem est scribere, hunc aut illum eximia præstisſe; & scribere, præter vnum hunc alios mancos aut desides consedisse. Vnius laus alterius nomini non officit: ferat quisque pro factis quam meruit gloriam. Quis virtus vertat Panegyristæ si vnum deligat & quidem militiae Principem, quem laudibus ornaret: quis oratorum veterum Panegyricum dixit Traiano & omnibus eius duabus? ergo cum Plinius Traiani res bello gestas honorificentissima eloquentia laudauit, iniuriam cæteris eius ducibus, quos silentio præteriit, fecit: sed fortasse in mores commisere alij panegyristæ, quorum labores solis Imperatoribus desudarunt, omisis tot inclitis animabus, quarum dextra Imperium vel obtentum, vel defensum: summo duci summus honor tribuitur; cæterum sibi quisque decerpit, prout à summo aut dissipatus aut propinquus. At, dicas, in Bohemica militia duorum exercituum duo fuere summi duces, pari ergo encomio digni erant: esto istud; sunt digni pares pari encomio. quis vero Panegyristam adi-
gat, vt vtriusque promulget: vni sua vult, vni sua debet; alter nec vultu nec beneficio notus, in ius neminem vocabit, si paribus Musis non canatur. Sunthuic sui clientes,

sunt

sunt alij sui, qui operam suam alienis non vendunt; nisi cum sponte volunt.

Sed neque pares sunt qui exercitus Catholicos ductabant, nam Bauarus non genere duntaxat plurimum antestitit, sed imperio quoque, quippe in quem (nequaquam autem in Buquoium) Cæsar Ferdinandus supremam protestatem in Bohemos, quibus cum bellum gerebatur, contulerit.

Frustra igitur hiscit, qui capite ornato cætera militiae membra neglecta quiritatur, quanquam neque neglecti minores duces censendi sunt, supremo laudato, nam illi ipsi sunt, qui armis & fortibus factis supremum ad tantam claritudinem euexerunt.

Habes iam causam, Peregrine, cur Panegyrista Buquoium præterierit: sed tu non habuisti causam, vt Principem nostrum & exercitum Catholicæ fœderis inuidioso morsu velleres. Poteſt magnus esse Buquoius, vt est sine aliorum iniuria; necideo is altius assurget, si alios tu verbis deiſcias. Ego Buquoij factalaudo, sed non tua dicta, quæ qualia ſint pergam fusiū recensere, ita quidem, vt Buquoium & eius exercitum extra telorum meorum iactum constituam; neque enim mihi in tantos bellatores bellum decretum, sed est velitatio instituta aduersus linguam tuam imprudentem, & calamum omnis ciuilis politiæ ignarum.

Numero I. ais, eo te adductum ad scribendum, vti patrocinium veritatis susciperes, contra libellos quosdam ad veritatis inuidiam conscriptos. Ego quia quos libellos intelligas nescio, defensorem non agam, sed valde metuo parum te veritati patrocinaturum, quippe cui in ipso sinu Inuidiola aliqua tanquam canicula insideat & latratibus depugnet & tamen nescio quam innoxiam scriptionem promittis adulandique vitium frustra proscribis: foues.

Deinde non vis quenquam mirari, perfunctorium tuum, vti tu loqueris, transcursum de exercitu Bauarico: quod non desint Panegyrici, eucharistici, tum oratione libera tum ligata: nihil ego dum culpo, & omittetur etiā omnem sermonem, si Bauaros duntaxat omisisses: iam verò ne omittas, carpis subinde, & tanquam aliud faceres, tectè suggillas, quasi tui stare non possent, nisi isti prosternerentur.

N. 2. Enumeras duplicem Buquoij victoriam, quam ante tuum in castra aduentum reportauit; vtramq; & ego laudo, quia insigni Buquoij virtute partæ: posterior Dam pierium quoque illustrem fecit.

N. 3. Refers à Buquoio ita perculsum his victorijs hostem, vt præcipuas suas vires ei soli opponeret. Itane verò? certè præcipuo hosti præcipuae vires opponendæ; nam quem tū præterea Bohemia & cæteræ periuræ terræ præter Buquoium habuere aduersantem? Parua cum manu
conse-

confederat Budeuitij Don Balthasar & operam potius dabat, ne damnum caperet, quām inferret. In hybernis erant Bohemi per municipia diuisi cùm cladem accepere; vbi caelum intepuit, campo sese rursus credidere, vt iusta castra restaurarent, non propter victorias Buquoij præteritas, sed vt infesto hosti nouum bellum mouerent.

N. 4. Videris indicare duas ab Hispano legiones in subsidium missas post illas duas victorias à te celebratas, quod vanissimum est. Nam legiones illæ non anno 20. sed 19. extrema hieme ex Italia venere; neque sanè Rex in literis ad Buquoium datis Olyssippone 23. Augusti 1619. harum mentionem fecit, sed Valonum qui paucos ante menses ex Belgio profecti, in Bohemia busta inuenere, grassante per exercitum lethali lue. Lepidus verò tu interpres es, qui Regis verbum, quo Hispani amicum exprimunt, cognatum vertis; Amicum scribere debebas. Tam enim Buquoius sanguini regio propinquus, quām tu Ioui cognatus.

N. 5. fateris tota æstate, cùm iam copijs esset auctus Buquoius ab tanto exercitu nihil profectum, debaccharisque in eos à quorum linguis Buquoius vapulauit, quasi otio, amori, & commessionibus indulsisset, belli cura seposita. Ego quod rectè defenditur non reprehendo. Multæ saepe cessationis causæ sunt, quas etiam vulgus probaret, si sciret. Permittenda est licentia liberis sermonibus,

bus, alioqt; neque tu loquereris, audiui & ego feriatam illam moram vitio verti Buquoio, sed non omnia credo, quæ audio, neq; etiam quæ lego, præsertim in tuo libello.

N. 6. Hoc certè loco tibi non multum Buquoius debet, nam eius luxum & prodigam vitam ita depingis, vt tandem tibi excidate eum aliorum iudicio cumulandis opibus idoneum non haberi.

N. 7. Scribis publico bono nimiam eius largitatem non obfuisse, sed multò maxime profuisse, de quo tecum contendere non habeo.

N. 8. Ostendis Buquoij Grauenecianam tota æstate (nempe anno in sequente 1620.) moram non esse culpandam, quod milii facile persuades, quia sine dubio prudentissimum dicitem Buquoium magnæ causæ mouerunt, ne exercitum moueret, sed tanquam vigil excubaret ad defensionem Viennæ, cui imminebant hostes, & ipso digresso sine dubio obsedissent. Nulla verò tua ratio est, quam tam elegantibus verbis induis, vt tute ipse vix intellegas quid loquaris. *Sicut enim, aīs, horology rotæ non seorsim singula, sed omnes simul, hora momenta terminant: ita exercitus Catholici varia in varijs locis partes ex condicto simul, ut etiam factum est ferrari debuerunt.* Quæso qui fuere isti plures exercitus, qui constituere vnum horologium? & quæ hædiuersæ rotæ, quæ simul horæ momenta terminant? An Buquoij rota moueri non poterat, nisi & Bauarica & Spinolana moueretur?

Baua-

Bauarus & Spinola conquiescente Buquoio mouerunt; quorum bona pace potuisset & Buquoius castra transferre, si per hostes licuisset. Sed ex condicto vt tu dicis ijsdem in locis permanxit: friuolè, nam nunquam antea conuentum erat, vt Buquoius ociosus cessaret, donec in procinctu videret alios duces. Bauarus sub initium Iulij armatus cum armato hoste ad Vlmam pacem pepigit; inde nautibus imposito milite superiorem Austriam incredibili celeritate, quam 2. Augusti ingressus erat, sexto eiusd. occupauit, impigri Ducis nomine territis indigenis, & quasi carmine dementatis, cum armatos, quos obijcere possent, haberent, & subsidium è Bohemia sperarent; imminebat enim Mansfeldius aliquot millibus stipatus. Sed proprante & occupante omnia Bauaro tota prouincia sub iugum iuit ingenti perduellum dolore.

Atque hæc Bauari victoria captiuitate quadam Viennam liberauit: clausus enim Ister erat, circumscribebaturque Cæsaris Viennæ commorantis libertas exiguis limitibus.

Rebus omnibus ritè atque ordine perfectis animus Bauari fuit rectâ Bohemiam petendi, sed quia Viennæ, vicinitas hostis periculum crebat, Buquoiusque ad congregandum impar viribus erat, Cæsaris invitatu Princeps meus ad Buquoij suppetias efflagitantem contendit per terras omni belli iniuria fœdatas, multis per inhospitum

C

iter

iter quā famis, quā morbi incommodis acceptis. Operæ tamen premium fuit cōabijssē, nam vbi hostis eius aduentum sensit, confessim collectis vasis meticulosus in tutu profugit, inseguente frustra tam nostro, quām Cælareo exercitu. Vis ergo versa in oppida, quæ hostis ceperat, & subactis omnibus in Bohemiam duci placuit. Ex quo liquere puto, quām verè scribas eodem Num. *Verūm Buquois Bauarico exercitu in Austria in inferiorem inuitato, tantum hosti iniecit timorem, ut deserta statione munita, ad Bohemia defensionem se ocyus transferret.* Aduentus Bauari terruit; Buquois longo iam tempore in propinquō erat, nec tamen ideo Bohemi aut timuerant, aut castra deseruerant. Fieri quidem poterat, vt Buquoium expertum bello ducem viribus Bauaricis subnixum Bohemi extimescerent, sed & solertissimus Bauariæ Dux ipse præsens, cuius ingenium orbi notum, non minorem terrorem iniecit, ut pote sat edocetis, hunc nihil inchoare, quod non prosequatur.

Itaque Buquois hoc loco gratiam Bauaro debuit, quod ex diuturnis eum carceribus, quibus à vicino hoste coercebatur, liberarit.

N. 9. Iter Buquoij in Bohemiam plenum difficultatis prosequeris eiisque in ducendis ordinibus peritiam, sed ingenti infamia milites eius notas. *Non potuit, ais, Buquois edictis, minis, supplicijs, incendia prohibere;* & paulò infra; *rapina, scelerata nefanda,* & omnis impietas magno Buquoij dolore impunè per nostrum exercitum grassabantur, non sine eorum piaculo ac propudio,

quorum

quorum remedium adhibere intererat. Hæc tu, parum Buquoij tui, quem laudatum ibas, memor: nam cuius magis interest, quām supremi ducis, operam dare, vt in exercitu disciplina regatur? Dedit, inquires, diligentem operam, sed vti priore numero refers, *Barbari incendiarij præuerterant iustitiae ministros,* & defuerant testes. Explica mihi dum sodes; quid vis dicere? an incendiarij præuerterunt iustitiae ministros, & seipso suspenderunt? nulla ergo tua querela iustitiae neglectæ, cùm ipsi rei iustitiam administrarint: an verò vis dicere iustitiae ministros ab incendiarijs suspensos? an demum vis dicere, incendiarios præuertisse, hoc est peccasse prius, quām plecti possent? egregia verò hæc tua est Philosophia, puto & alibi moris esse, neminem nisi post flagitiū admissum supplicio afficere, nisi fortasse in Hibernia suspendantur fures, antequam furentur. Sed & criminum testes abfuere: rectè habet; videntur ergo etiam abfuisse exploratores, & ij ad quos ex militari munere pertinet in disciplinam aduertere. Cuius hæc est culpa? Non ago quidem ego quemquam reum, sed ostendo tibi duntaxat, quantus in foro patronus sis. Alteram insolentiaæ militaris causam adfers, Quod Generalis capitalium rerum præfectus enixè petenti Buquoio, nullus sit concessus. Quæso te, mi Peregrine, si supremus nullus fuit, non potuit aliis minor tribunalii præesse, & partes iudicis sustinere? Non est necessarium semper sumnum sceptrū,

C 2

etiam

etiam inferior potestas insolentiam coërcet, quæ in Buquoiano exercitu non defuit. Nam tute ipse numero inseguente 10. scribis Ego Buquoium non semel audiui disstrictè auditoribus (sic Quæstores vocant) mandasse, ut nulli reo parcerent, sed publici boni ac exempli amore in delinquentes animaduerterent Deoq; ac reipublicæ reddenda rationis memores, multorum delicta paucorum supplicio preuerterent. Ego quoque illum Tribunus ac Centurionibus idem sapissime inculcasse testis sum. Ego illum in obuios delinquentes non semel inieciisse manus proprias, ac capitis pena tradidisse aspexi. Ego VVallonum frequens supplicium, quod nulle preces nulla precia redimere possent, intuitus sum. In hac tanta Buquoij diligencia mirum est tam multa facinora impune potuisse perpetrari. Germani culpæ partem ferunt vt video; nam ait, Ego denique à Germanis Colonellis miro privilegio liberari fontes conuictos, quos falso ipsi dicebant è medio fuisse sublatos vidi. Debent tibi vt video non parum Germani Cæsarianarum partium Colonelli, quos pro officio, quo iustitiæ satisfaciendum fuerat in publicum mentitos fuisse scribis. Colonelli Germani fuere Iulius Henricus Dux Saxonie, Comes Nassouius, Liechtenstainius, Fürstenbergius, Otho Henricus Fuggerus, Tieffenbachius, Meckau, Lebel, sortiantur ipsis metu, inter se militari more, quis aut suam aut aliorum culpam profiteri velit, profitebuntur, Peregrine, tuam. Addis & aliam iusticii causam: Verum quidem est, verba tua sunt, milites in socios subinde ad supplicium comprehendendos ire iussos, si minus verbo saltē opere non obtemperasse, quod

quod id (ut aiebant) non militum sed lictorum esset officium. Similiter non est, Peregrine, fontes in vincula ducere, cur lictores non constituti sunt? Quis eos Valones aut duxit aut plexit, quos Buquoium pœnis addixisse paulò ante memorabas? Si fuere qui viginti punirent, fuissent & qui in centum animaduerterent; si Valonibus gula frangi poterant, poterant & Germanis.

Atque nunc rogo, ais porrò, quinam à militibus reliqui sunt, qui reos Buquoio sistent, si nullus sit capitalis Generalis prator, aut Campi ut vocant capitaneus? Quis erit exercitus, Peregrine, si nullus sit dux, nullus centurio? Quid faciat consul in urbe vbi nulli iustitiæ ministri? constituat; si culpa non est, noxios non plecti, quod nulli sint capitalium rerum vindices, culpa aliqua erit, non subornari, qui iustitiæ operam addicant. Non est quidem meum aut ducem aut exercitum castigare, sicuti nec quenquam reprehendendi mens est; sed cum tu, Peregrine, impunem militum licentiam, describas, excusare conaris summum ducem, & tam bellè excusas, vt alio patrono egeat, futurus suspicione liber, si oratorem habuisset, qui silere potuisset.

N. 11. & 12. Buquoij impigram alacritatem per vias difficiles tormenta promouentis denarras, pugno Bauarisi incusso, quod robustioribus equis diffiderent, & ex desperatione sua remitterent; quanquam quid infestiorem te

mirer Bauaris, iterum militum tuorum effrænem petulantiam vehementi satyra plangis. Sed me iuuat narratricula tua N. 12. Ad castrū Crumouïense Triste, scribis, *in primis spectaculum, tendentis supplices manus, crudeliter tamen occisi ab uno Cosacoram Buquoio offerebatur.* Rectius dixisses, Mirificum *in primis spectaculum, nam occisum supplices manus tendere, grande miraculum est, & naturæ vires superat.*

N. 14. Hunc in modum scribis: *Octavo Septembri, Deo prius in Eucharistia plenus (erat Natiuitatis Deiparæ festum) in Sereniss. Bauari amplexus optatissimos irruit Buquoius, magno stipante virorum principum agmine, summo consensu quod è re esset decretum ab ijs est.* Echo, Peregrine, ierit Buquoius in amplexus Principis Bauariae: æqualium aut maiorum est aduentantes, si dignantur, amplecti; nec Buquoius, te paulò ciuilior, suas partes nesciuit, dextram salutantis exosculatus, & inter aulicos officiosis erga Serenissimum obsequijs aulicum se professus est, non collegam. Sed tu ideo pari salutationum ceremoniâ quasi certatum fingis, vti pares exercituum duces constituas; quasi nullum Bauaro imperium Buquoiano maius fuisset, quod falsum est; nam cum Serenissimus Monachij cum ipso Cæsare aduersus rebelles certis legibus in foedus iuit, in cæteris summus militiae dux in Austria & Bohemos nominatus est, & quidem adeò disertè, vt cuidam quæstionem mouenti, an si ferente rerum cur-

Iu Bau-

su Bauanicus & Buquoianus Exercitus iungerentur eadem summa potestas Bauaro illibata mansura esset, responsum sit palam (vtar verbis tūm vſitatis) Hoc per se intelligi; ita conuentum præsentibus grauissimis viris Cardinale Zollerano, Episcopo Lauantino, Comite ab Eggenberg, Comite Ioanne Zollerano supremo aulae præfecto, & Doctore Guilielmo Iochero à secretis Bauaro consilijs. atque hanc Principis auctoritatem non nesciuit Buquoius ipse, qui imperia non solùm à Bauaro accepit, verùm etiam postulauit: Bauarus contrà ita moderate potestate vſus est, ac si non haberet; inuitabatque potius ad ea quæ volebat, quam iubebat.

Sed pergis, Symbolum nocturnum eo die à Bauaro dari Buquoiae enixissime contendit, & tandem cum maxima difficultate exorauit. Aiebat enim Bauarus Cæsaris exercitui se non venisse ducem sed adiutorem, & certè non secus ac dixit, quam diu simul fuerunt se gessit. Cunctatus est, Peregrine, Serenissimus tesseram nominare, modestiæ & ciuitatis caussa, ne mox aut audie aut superbe videretur potestate vti apud eum ducem, quem ex claritudine gestorum æstimabat. Certè Buquoium Princeps sicut nec parem vñquam putauit, ita illi nec parem honorem exhibuit; exhibuit tamen semper eum, quem dignitas principalis permisit, & Buquoius præ cæteris meruit. Quare mi Peregrine, adulari desine, & si reddere magnum Buquoiumvis, veras virtutes, quas multas habet,

Constantius Peregrinus

bet, deprædica; neque grauiter accipe, si princeps Cæsari, regique Hispaniæ languine iunctus inferiores fasces suis non adæquet. Parcè imperio vti, non est imperium non habere.

N. 15. Spectat Dux Bauariæ, miratûrque exercitum Buquoianum, marcidi licet fuerint equi ob pabuli invata terra inopiam; Bauaricus exercitus magis visendus erat, vt potest vigilijs & itineribus minimè fractus, inuiso & procul remoto hoste. Quasi verò, mi Peregrine, Bauarii equites hastiludijs duntaxat per eos dies operam dedissent. Septem ipsos dies impransi & incenati per impenitissimas vias summa cum molestia Freistadio iter fecerunt. Non aliud tempus magis nostras copias afflxit. Ut taceam Bauaricum exercitum iam tum peragrasse Sueuiam, Bauariam, superiorem Austriam, & Bohemiæ extrema. An verò tu serio putas inuisum fuisse Bauaris hostem? tota terra illis hostilis erat; neque enim illam, vt amicam occuparunt, certò passuri, quod fecere, si valentiores Austriae fuissent.

N. 16. Hornum expugnatur Buquoij armis, institutûrque profectio vtriusque exercitus in Bohemiam. Breui compendio, Peregrine, exercitus hos ex Austria in Bohemiam ducis. Multa interim loca recepta, & expulsus tota ditione hostis, aliisque à Bauaro præstita, sed à te prætermissa,

N. N. 17.

N. N. 17. & 18. 19. Bauarus Budnam expugnat, militique saluis ciuium corporibus diripiendam permittit: Buquoij Brachadizum coronâ occupat, insigni incolarum clade, quam equidem humanæ fortis memor summavi auertere inter insanentes milites non potuit omnis ætas, omnis sexus perit, rebellium cæteris documento futuri.

N. N. 20. 21. 22. 23. 24. 25. Pisca valido præsidio, animisque tumens ab utroque exercitu obessa funestum, & par cum Brachadizio fatum subiit; nulli ab irato milite parsim; ferro mactati omnes, fontes, insontes, tanti pertinacia stetit, quam equidem ponere decreuerant, actum cum Duce Bauariæ; sed alata militum virtus seros contus præuertit, occupando mœnia, quæ miseri seriu's tradere volebant. Neque villa ducum clementia perituris profuit; Nec vox aut fulgente Ducum ferro absterritæ furentes turbæ.

In reliquis numeris usque ad 33. Peregrinus in laudes Buquoij peregrinatur, quem ideo nequaquam insector. Vir esset, si laudaret absque aliorum obtrectatione.

N. 33. Post diem 8. octobris Sereniss. Bauarie Ducem, ne domum rediret, retinuisse, arduum negotium fuit. Non enim solus exercitus, sed familia illius prope uniuersa morbo tentari cœpit.

Nimis manifestus liuor tuus hîc, Peregrine, tralucet: quando, pertuum Genium, quando Bauarus patriam

D

respe-

respectare cœpit? post diem 8. inquis; arbitror ego' vi-
gesimum quintum Nouembris etiam illuxisse post octa-
uum Octobris. Cogitatum primū est de discessu circa
26. Octobris, & quidem longè alijs de causis quam Pere-
grinus comminiscatur. Serenissimo semper mens fuit
hostes insequi, & omnem pugnandi occasionem capta-
re, vt toti exercitui compertum fuit; ideo enim deserta
provincia sua & postposita quiete, castrorum incom-
modorum maximè per Bohemiam tot cladibus laceram,
non ignarus, vnius reipublicæ causa lubens volens arma
sumpsit, non per legatum, sed per seipsum rebellibus illa-
turus, ita vt quietem deliciæ pacis retinere domi non pote-
rant, reuocare in tutu minimè potuerint. Sciebat mole-
stias, antequam pateret.

Sed nos i leuiam momenta, vt in Provinciam suam re-
diret, impellere poterant; nisi animus eius omni fortunæ
varietate superior fuisset. Primò enim, qui à consilijs erant,
virū nō heri nati, sed maturi, ac, militiae potissimum,
multarum rerum vsu pollentes, non paucorum argumen-
torum pondere secessionem à Buquoio, suasēre, quibus
si paruisset, reprehendi prudenter non poterat, pruden-
tum consilia fecutus: sed agitauit Deus animum Victoriae
præ sagum, neque credidit in tam dubio apice rem versari,
vt sola salus esset in recessu.

Deinde, non illi solūm, qui in consilium Principis
coibant,

coibant, sed ipsum militiæ genus Buquoio usurpatum fa-
stidientem Principem commouere poterat, vt deserta
militiæ penates cogitaret; nam Buquoios moram ex mora
ne etens, contra conuenta & præscripta tardius castra mo-
uebat, tardius locabat; imo ipso etiam fortunatissimo
prælij die, cum maximè properandum ei fuisset, Serenissi-
mum magnis interuallis prægredientem atque in ho-
stes fortissimo animo euntem, primordiaque Victoriae li-
bantem aliquot demum horis insecutus in consultatione
vocauit, an eo die collatis aciebus decernendum esset; nec
fandi copiā, aut dissertationibus caruit, quibus supremum
cum hoste congressum vel in dubium vocaret, vel omni-
nō dissuaderet. Verūm aliâ sententiâ animo Serenissimi
stante, hoc saltem effecit Buquoios, vt seriùs quam debe-
bat pugnaretur, & nox à prælio ingruens ciuitatem pau-
re exanimatam protegeret, percussisque metu hostibus
concederetur spatium fugiendi: si enim prælium matu-
rius licuisset committere, eadem omnino die potuisset, &
ciuitas occupari, & hostes salutem pedibus quærentes in-
tercipi; ita ipsi qui victi fuere, fatentur.

Accessit militiæ corruptissima disciplina, & facino-
ra castris propudiosa Christianis; militari enim licentia
nullum scelus vitio habebatur; vexabantur omni belli in-
iuriâ santes & insontes; calamitosorum, penitusque per-
cuntium clamor ac gemitus cœlum pulsabant: id malum

clementissimus Principis animus tolerare non sustinet, atque ideo saepius expostulans, disertè professus est; nisi seueriore Imperio petulantiam militum in fortunas ac capita innocentum insultantem coercerent, sibi decretum atam profanis castris abire.

Demum Buquois mox post Piscam ferro captam circumspectare Morauiam cœpit, in qua, maxima ex parte à belli iniurijs immuni, & militari tenui egestati, seu auditati in primis opportuna, hibernaret, retenturus interea exercitum Bauaricum tanquam comitem præsidiarium, nihil pensi habens, quò Bauaros demum fata in hibernarent; quasi non satis beneficij accepisset Buquois, quem ab imminente hoste & in Austria inuitum coercente per tot discrimina Cæsaris iussu ereptum Princeps iuit, cum ingenti exercitus sui damno, qui itinerum molestijs & insueti carli vitio, in vastata & esuriente terra, ineuitabiles morbos contraxit, plurimumque imminutus, in Pilsensem circulum, qui vñus hibernis restabat, sine manifesto exitio, regredi non poterat, si in Morauiam usque Buquoij copias præsidij causa comitatus fuisset. Et quam parum animi fuerit Buquoio desumma rerum hoc anno contendere, ex eo efficitur, quod palam edixerit, fieri non posse, ut Bohemia subiugetur, nisi triplici exercitu inuadatur, ob positum regni naturâ muniti; neque nescire se idcirco in Imperatoris aula sermonibus laceratum,

iri,

iri, ac si paruum operæ precium tantis impensis fecisset, Morauia commeatu abundans & fesso militi commoda itentidem inuitabat, bruma imminens trahebat, itumque eò fuisset hiemandi causa, nisi Bauariæ Dux manibus & pedibus obstitisset: nunquam certè Serenissimus inuitatus ad configendum cum hoste, sed solicitatus saepius est, ut recendentibus in Morauiam Buquoianis copijs, socio itinere præsidio esset; Verum Bauarus & infra dignitatem suam duxit, & è re Cæsaris fore minimè putauit, ea de causa solum militare, vti Buquoij itinera variantis satellitem ageret; Pragam suarum laudum materiem & congressum cum hoste desiderabat, neque certè vñquam ad hanc pertigisset metam, si Buquoio abituriensi obtinerandum existimasset. Quia ergo Buquoio parum animi erat vagum Bohemum insequi, Pragamque rebellionis caput petere, tam æquum omnino fuit Bauarum de salute sui exercitus cogitare, quām cogitauit Buquois de incolumentate sui, satiusque putauit cum Buquoianis diuortium facere, quām sine re & spe inter tot difficultates diem de die ducere castris nihil profuturis, non sine grandi existimationis dispendio, & per omnem Europam expectationis frustratione. Inter alios & ipse Buquois testis citatur, qui vti vir est, nunquam dicet se maiori contentione Bauari secessum deprecatum, quām Bauarus ipsum ad audendum & pugnæ aleam subeundam appellari.

D 3

Quod

Quod si Princeps tandem etiam à sententia dimoueri potuisset, & à cogitato prælio deterri & reipublicæ & Cæsaris spei consultius fuisset in digressu, hostilia reliqua per circulum Pilsnensem loca occupare, quām otiosum ambulonē agere, omnia quæ adhuc supererant perdere, tam innocentes quām nocentes bonis ac fortunis euertere; & de prouincia in prouinciam proficisci, vt Buquoius per hiemem fornaces & foculos reperiret. Ergo Buquoius vbi generosam Bauari pertinaciam aut pugnandi aut secedendi aduertit, & ipse alios animos sumpsit, cogitationēmque propinquæ in Morauiam profectionis deposituit, ex quo nullâ amplius eloquentiâ opus fuit Bauarum in castris retinere, & ad insectandum hostem cohortari.

Perge, Peregrine. *Cuncti Consiliarij, amanuenses, atrientes, necessarij vel morte, vel morbo erant ab eo diuulsi. Hiems ingruit, negotia domestica renocabant, castrensia incommoda deliciosa nutritis qui cum eo erant nobilibus, grauiora quam quibus pares esse possent futura videbantur. Sed frustra hac omnia: cūm magnus Dei ac Ecclesiæ athleta, spretis omnium illecebris Buquoio hortante sapientius ac tandem exoriente, ad finem perseverare, quām manu apposita ad aratrum retro aspicere maluerit. Hoc verò palmarium Buquoij facinus (cūm soleant homines dignitate præfulgentes potentiorum præsentia viri) sapissime apud mereputare soleo.*

Non eo inficias morbum insignem & per exercitum & per aulam dedisse stragem, sed minimè delicatae vitæ, quam in aulâ antehac viuebant, culpâ, nam milites quoq; de gre-

de grege duriter per omnem vitam agentes, æque hoc malo inuoluti fuere, atq; aulici; tuique Valones ante annum ex aula Hispanica omnes non prodierant, & tamen musearum ritu exanimes, & passim iacuere cadavera, quodtu ipse non diffiteris. Facile in tanta colluuiie hominum vulgantur contagia morbi, multique non pereunt suo, sed alieno vitio, moriunturq; quod inter mortuos vixerint. Nec Serenissimus illecebras patriæ spreuit Buquoio hortante, & exorari sese passus est, sed potius Buquoius animum mutauit suum, hortante Bauaro, vt fortiora, & pristinis suis facta paria Buquoius eligeret, ac omnibus nisibus in hostem tenderet.

Sed agedum, Peregrine, magnumne piaculum commisisset Princeps, si occupatâ iam superiori Austriâ, hoste ex inferiore pulso, Buquoio è cauernis liberato, imminuto mortalitate exercitu, inter tot funera & morborum pericula, appetente hieme, nullâ apud plerosque superante spe domum remeare cogitasset? durauit tamen, omniaque contagia quæ hoste nocentiora erant ingenti animo spreuit.

Quocirca ex hoc capite nequaquam effere potes heroëm tuum quasi Herculeum opus patrasse in Duce Bauariæ persuadendo, persuasus ipse Buquoius est, vt magis decora vellet.

Octobris octauo peruenimus Pilsnam & inimicorum exercitui ad vicinum Rokizanum, ut vim nostram si quam adhibere vellemus, à Pilsnen-

Pilsnensibus auerterent, adueniendi causam dedimus. Ne autem quid in Pilsnenses machinaremur, Mansfeldy artificiosissimo astu, ac versutissimo commento (quo per integros vndecim dies delusi multi sunt) & supplementi Bauarici expectatione hasimus. Missis continenter ad Mansfeldum nuncij spem liberandi oppignoratam suam fidem, mōra tunc nobis inopportunitissima precio vendebat.

Vt in cerebro tuo quodque ordine positum est, ita tu illud effundis, nunc postremum, nunc primum: antecedente numero narrasti, quæ post octauum diem Octobris contigere, hīc percenses acta ipsius octauī, quem etiam alieno sole polluis, nam vndecimo die demum vterque exercitus Pilsnam peruenit, vbi Mansfeldius non Serenissimum Bauarum, sed Buquoium, quo cum egit, nāso suspendit, & per tot dies perfidā mōrā latauit, indignante Bauaro tantas occasiones versutissimi hominis dolo amitti.

Addis Peregrine: *Nono Octobris in Bauarici exercitus separata longius septem signa Hungari concubia nocte irruperunt, sed audito clāffico immorari timentes, non multis occisis, paucioribus abductis, pluribus, quod pagum incendissent, exustis, reuersi sunt. In quorum quoq[ue] barbaras manus Haslang equitatus Bauarici Vicarius paucis comitatus in patriam remeans, digrediente temere auriga à reliquo comitatu, per infortunium illis diebus illapsus est, adeoque ab eis male habitus ut breui fato cederet, & illi spe magni lytri frustrarentur.*

Rursus diem designas pro more tuo; nocturna illa belli furta non fuere ab Vngaris parata nono, sed duodecimo die post noctis medium. Haslangus 17. mensis

excur-

excurrentibus Vngaris præda fuit, æger lectica vectus; culpam tu in aurigam temere digredientem confers, forfasse tu temere scribis; nam quis aurigam reum apud te peregit?

N. 35. Refers: *At Buquoij vigilantia, quidomo neglecta in vi-
niore hostibus filia excubabat, terrōrque veterani exercitus imperialie
Hungaros atque ceteros hostes à castris nostris vel semel tentandis deterruit.
Cuius felicitati ac etiam prouidentia debetur, in nullo conflictu nulloque
recessu ne tum quidem cum hostes quadruplo essent fortiores vel unicum
signum sibi ablatum esse. Cosaccis foris ipso inuito præ datum remotius
procurentibus, adempta sunt subinde duo vel tria vexilla, non tantum
sine dedecore Buquoij, verū etiam sine omni ipsorum Cosacorum sen-
su: qui sat sibi esse aiunt, pro amissis vexillis semper pulchriora fieri
surare.*

Hic campus triumphi est, mi Peregrine, oscitantia Principis & miles tiro hostes exciuit, vt castra Bauarica pertenebras visitarentur ab Vngaris; vigilantia verò Buquoij sub dio excubantis & vetus eius in armis miles virtutis nomine terruit, atque etiam absterruit hostes. Hīc canito Pæana, nec dux duci comparandus, nec bellator bellatori; hic tuorum verborum sensus, hæc mens. Detinet nempe te latebris & libris tota vita innutritum, fanaticum iudicium de exercitibus, & eorum ductoribus ferre, eosque committere calamo, qui socia & amica arma ferebant. Si tanti est, nulla signa Buquoio ablata, tanti etiam sit nulla Bauaro ablata. Sed oro te, si Cosacci cæsi fuissent, annon Buquoij copiae cæsa fuissent? pariterau-

E tumo

tumo cum Cosaccis signa ablata sunt, etiam Buquoio ablata fuisse, nam pars Buquoiani exercitus Cosacci erant. Quid si narrarem nocturnum recessum 12. Martij vestrum Hornensem? de quo iunior Anhaltinus in suo diario his verbis memorat; *Hoc ob defectum commecatus & animi, forte etiam bellici apparatus hac nocte recessit cum dedecore, & confusione Langois versus, unde venerat, derelictis post se multis impedimentis, sanisque & agris & amissis hominibus mille vel pluribus, magnaque præda nostris relicta.* Captivi fuerunt Germani, Galli, Valones, Poloni, Irlandi. Hæc Anhaltinus, cui visa sunt communia, vti appellamus, Noua suffragari, quæ addebat inter trepidandum per siluam tria signa derelicta fuisse, hòcq; militare flagitium altero die à Buquoio punitum. Reputatu, Peregrine, vtrum probrosius sit, hosti congregienti signum permittere, an vt hostem effugias, signum abijcere? Bauari nullum permisere, nullum abiecere.

Num. 36. Palantes milites, spretâ legum reuerentia, dum prædantur, præda fiunt.

Num. 37. Hiberni Catholici nonnulli ex castris Bohemis transfugæ ab Haterno à fide & virtute laudantur.

Num. 38. & 39. Anhaltini literas ad Mansfeldium ponis & exponis, quibus, ego commentarium nullum addo.

Num. 40. Doces expostulasse Buquoium per epistolam cum Anhaltino, quod duriùs haberet captos Valones & Italos, quam Germanos, contraque ius militare odio

odio nationum, præferret laqueum lytro. Hungarorum ea noxa fuit.

Num. 41. Deploras fortissimi ducis Dampierij immatura fata; & nos quoque huic Martio funeri ingemiscimus, sed non credimus, quod tu decantas eum contendisse Buquoij gloriam exæquare, superare crederemus.

Num. 42. & 43. Totus pius es Peregrine, ac vota pro Buquoio toties periculis defuncto, toties saucio tam ardentia suscipis, atque si totius orbis Catholici salus ab ipso penderet. Troiæ vnuis Hector erat, Europæ plures sunt, nec omnis Mars cum uno duce occumbet. Sed obseruandum est, te in tanta laudum aggestione, vitium in Imperatore sumnum Buquoio imponere, & famam eius minuere, rogas enim primò ne temeraria morte sua detrimentum respublica capiat: deinde ais: *Te Buquoie iterum iterumque obtestor, ut superuacaneis tandem desinas te exponere periculis.* Ergo tibi temerarius est Buquoius? certè qui superuacaneis se periculis exponit, temerè agit; temerè autem agere Imperatorum primum probrum est.

N. 44. Signum tubâ datur & castra Pilsnâ Raconizium mouentur, Octobr. 22. ais, circa Pilsnam veluti inducys pactis non repugnantem toto die progressi in pago proximo (prius aliquot Anglis, qui forte occurserant, cæsis) constitimus. Planè tu & tui constitistis, nam Bauarici milites Croatæ Anglos illos succiderunt.

N. 45. Recraste, Peregrine, utriusque per noctem exercitus aspectu, lucentes inter ignes cum ad Plassense Monasterium castra tenderentur. ibi Buquois exemplum stabiliendæ disciplinæ daturus, admodum exarsit in factilegos Polonos ecclesiam temerantes: stetit tamen ira citra mortem; rei quos deprehendere licuit, fustibus contusi, tuberoso capite maius malum effugere.

N. 46. Metamorphosin Ouidianam pangis, cuspiderem aīs vexilli legionarij Guilelmi Verdugo aliquandiu ignea luce effulsiſſe. vidisti? nec si vidisse te dixeris credam, qui crederem, cum dicas & non videris. Sed alij viderunt; posco tabulas: nugæ sunt; ex nocturnis ignibus radiatum læui ferro iubar videri potuit.

N. 47. Effunditur in Caluinistas stomachus, & aniles rumores referuntur de coēs à Turca Polonorum 19. millibus de subsidiarijs Hungaricis 50. millibus; de futuro Bohemici exercitus augmento, sed somniato; de Anglis Oratoribus à Saxone in conspectū non admissis.

N. 48. Raconizium vterque exercitus attigit, serius tamen Buquoianus vbi in monte hostis confedit, qui intentandus esset, inter Buquoium, inquis, ac Tiliū militia Principes controvrebatur. Sed Buquoio loci iniquitatem, quam ab Occidente maiorem, spectantibus uniuersis demonstrante, in eius, ut alias ferè semper itum est sententiam. Vnus, Peregrine, militiæ princeps fuit Dux Bauariæ; Buquois & Tillius legatorum personas sustinuere, & ierit bellicum concilium hoc lo-

co in

co in Buquoij sententiam, ad Pragam certè non iuit; Bauaro tum suffragari placuit, & tentata fortunæ alea per vnum prælium tot bello turbatas prouincias tranquillo reddere. Emissarij, aīs porrò, Cosacci, dum loca à Buquoio lustrarentur hostem velitando albis vestiti indusis distinebant, nullo quod sciā suo damno. Ain verò albis indusis velitarin Poloni nullo damno? At ego qui præfens fui, vnum in rubro indusio conspexi, profluente è vulneribus crurore, quem & morientem videre commilitones.

N. 49. Ultimo die Octobris, scribis, Bauarico exercitu obtigit prior acies. Serenissimus Dux à Buquoio vel Vallones vel Italos veteranos (loco suorum tyronum) cum equitatu suo admiscendos experituit. Errando sollenne tuum tenes Peregrine: penultimo non ultimo acies vtraque mota est, & Serenissimus Bauariæ Dux nequaquam loco suorum tyronum veteranos expetiuit, sed vti data per viam occasione, aut pugnandi aut hostem distinendi plus roboris haberet, si more suo Buquois tardius insequeretur. Sed Buquoius Italos non Vallones (qui alteri Generali militare agerrimè tulissent) perlitter concessit. Scilicet Peregrine, Wallones erubuisser Bauaro militare? gloriæ id sibi duxerunt aliæ gentes & maximè Itali, non ignari studij & metæ honoris: nisi fortasse Wallones opinentur nulli alij ducum, quam Buquoio notas esse Martis artes, aut apertum Victoriae fanum.

N. 50. Raconizio, scribis, adiacet acclivis ab Occidente mons, in cuius summitate hostis se iam obuallauerat. In medio montis ascensu

silua ex abiete erat, non nimis opaca illa quidem, nec etiam aprica, fons tamen colliculisque aspera. Eam equitatus totus Comitis Hollocum alijs & 500. musketarij defendebant. At non morabantur ideo animosi ac strenui nostri Itali sed contra audentiores, ceteris copijs minimè expectatis, in confertos hostes prouerunt. Italos meritò laudibus ornas; nam & se & ducem suum Spinellum, virum acer-
trum egregia pugna nobilitarunt, primásque tulerunt: sed Bauarorum cur obliuisceris, cum in laudes communes ingrederis & tamen memor es cum culpas? Bauariorum etiam peditum turma hanc pugnam pugnarunt: quanquam quod detrahis pediti, accumulas equiti, ais enim, *Equites quoque Bauari animo ausūque ingenti in siluam penetrarunt. Fit via vi, & strepitu fremitūque ac horrendo congressu silua tremuit.* Hac tua laus, qua equites afficis, parcus ta men quam debetas; nam Crazius eorum ductor & equum & signiferum equo insidentem prostrauit, primūq; ipsius Anhaltini supremi ducis vexillum ingenti virtute abstulit, nobilissimum tanti facinoris trophæum. *Animosi ais, ac strenui nostri Itali ceteris copijs minimè expectatis, in confertos hostes prouerunt.* Huic pugnæ Serenissimus adfuit, Italosque, quia ipsius ductum ea luce sequebantur cum turma Bauarica & parte equitatus in siluam immisit, & non ineptè tu scribis, *certatum ceteris non expectatis,* oro te quos expectassent? Aliquot veredis citatus fuit Buquois ut opportunitati adesset, sed magnis distabat interuallis, & præliandi animus hoc anno non erat: superuenit demum fuso iam & fugato hoste.

Pergis,

Pergis, Cadunt hinc & inde plurimi: sed cedere nescij Itale pellunt, expelluntque ex silua hostes, adeò de talibus militibus stupentes, ut si acies anterior, & ea quidem sola adfuisse cum Buquoio (ita me audente non vulgares Bauarici exercitus homines loquebantur) cunctis casulis fuissent hostes repulsi. Hoccine est laudare Buquoium? Tu fateris ipse, profligari potuisse vniuersum exercitum hostilem si Buquoius adfuisse? sed quare non adfuit? configere nolebat; neque enim hoc anno de militia in Bohemia finienda cogitabat. Opportunas pugnandi occasionses prætermittere, summo duci summe dedecorum est.

At verò tuorum verborum (si acies anterior adfuisse cum Buquoio) interpretem age. Non adfuit anterior acies? quomodo igitur pugnatum est, an fortasse posterior acies concurrit cum hoste? nugæ. Itali anteriorem aciem constituerunt, & in aduersos Bohemos vi|icti manu irruerunt. Buquoij præsentia haudquaquam magnis votis expetebatur, copiæ eius potius desiderabantur, vti totis exercitibus concurreretur. Aderat Bauarus Dux, aderat Tillius Bauari legatus, aderant alij duces, quorum virtuti nihil defuit, sed defuit Buquoius laborantibus, deditque multis iure an, iniuria sermonem, qui sua cogitata celare non poterant, & aiebant Buquoij segnius mouisse, vti Bauarus præferocior, aliquantulum ab hoste pulsaretur, perpetuæq; suæ & inquietæ audaciæ aliquam
| |

aliquam poenam penderet; futurum inde ipsum tanto maiorem, quantum alteri deceperat; vel certè ideo cunctatum, ut nulla daretur facultas pugnandi, ne dum nimium Bauarus tantillo tempore ficeret, ipse præteritis tam multis mensibus, imò toto præterito anno cum tam florenti & instructo exercitu nimis parum fecisse videatur. Hæc ut dixi palam quidam iactarunt; quæ ego in medio relinquo; neque credo egregium virum Buquoium tam indigna sua indole & fama meditatum: sed ita hodie homines viuimus, ut non satis sit carere scelere; vix satis est carere suspicione sceleris.

N. 51. In Martio hoc campo, ais, in hoc inquam silvestri honoris cubili, magna nomina fato cessere Italorum Ascanius Aquauina (ex Hadrianorum ad Precutinos Ducibus oriundus) Don Scipio Sersanus, Octanius Isuenis, (fratre grauiter sauciato) & alijs minorum gentium non pauci. Bauarorum verò (ut ferebatur) insignis equitum magno omnium dolore Capitanus, cuius nomen scire ubi hæc scribo frustra laborau, cum alijs occubuit. Non iniuria cum encomio parentas Italos, fortiter enim occubuerunt, & vitam cum gloria commutarunt; sed dum Bauaris Vmbris inferias das, umbras feris, nemo enim ducum cecidit, ita ut verum scribas te nomen eius frustra indagasse: & tamen etiam supra scriperas, cadunt hinc & inde plurimi: pauculi nostratum desiderati, plures sauciati sunt.

N. 52. & N. 53. Pæana Neapolitanæ legioni & equitatui Bauarico canis, ut & lessum hostibus ob nobilefusus Baronis de Dona.

N. 54. & 55. Gratulationem & laudes in Neapolitanos & Bauaros ab ipso Buquoio congregatas commemo ras; sed præclarus fuisset Buquoio laudes cum victoribus meruisse, quam tribuere. Quæ de laboribus castrenis bus noctu diuque perpetratis & functionibus Buquoianis aduersi, duce tanto digna sunt, sed non sermo tuus, quia adulatorius est, & quidem sine arte.

N. 56. Tillij Generalis (ut tu ineptè cum appellas, Principis legatus erat) & opera Buquoij cæsum hostem depingis, vulgique sermone vtrumque censes.

N. 57. Hic eosdem rursus excusas, ita tamen ut videaris magis accusare Tillium aut Principem. Castra hostiū, inquis, etiam manita (inter multa alia id generis præclara) dixerunt illi periti scilicet censores, à milite nostro congregandi cupido, inuadenda fuisse. Itane verò? cum semper sit (inquit Poëta) incerti fallax fiducia Martis, & male cuncta ministret impetus, ubi nulla loci, insidiorum, virium hostilium præcessit notitia? Egregium sane consilium. Ille longè magis peritioribus probatur exercitus ductor.

Non qui præcipiti traheret simul omnia casu
Sed qui maturo vel lata vel aspera rerum.

Consilio momenta regens, nec tristibus impar.
Nec pro successu tumidus, spatiūque morandi.

Vincendique modum mutatis nosset habenis.

Poterat certè vel te iudice hostis ad Rakonizium castris exui, si in tempore Buquoius accurrisset; poterant & castra postmodum inuadi, quia valla illa ex confessione ipsorum hostium subito opere nobis obiecta speciem

duntaxat habuere, falsura, si oppugnata fuissent, ipsos suos autores. Ecquando oro te tandem pugnandum esset, si aggeres hostem inuictum redderent? Vbicunq; Bohemus pedem fixit, statim tunulare terram occœpit, nec se aperto vñquam credere sustinuit, ac tandem etiam in fatali loco suo, vbi succubuit, scrobem sibi fodere exorsus, si moram interposuissemus, omnem præliandi ardorem nostrum elusisset. Virtuti militum pugnam exoptantū non omnia valla obstant, vi fit via ad victoriam, & qui extra periculum pugnare decreuit, non nisi bellum gerere cogitar sine bello. sed hoc loco hostes non inuadendi consilium fuit intelligentiū; non nego. sed enim consilium inuadendi non fuit fatuorum. Loci iniquitas etiā Pragæ fuit, & tamen ita pugnatum est, ut Deo iuuante vinceremus; vincendi, si ascensum extimussemus.

N. 58. Buquoius in capiendis consilijs prouidus, instar Pauli Æmilij præcipites casus odit. Laudabiliter omnino; sed tu non laudabiliter aculeum in alios figis, quia enim Buquoio rerum experto visum non est pugnæ discrimen subire, idcirco tibi omnes Nasicæ, aut iuuenes immaturè feroce, qui contrà sensere. Et quis est ille, qui pone principia positus alieno periculo triumphare securus optauit? naris tam obesæ non sum, vt nihil capitem, non potuit securus optare triumphum, qui prælium identidem clamauit, non Buquoiano solum,

scd

sed etiam suo discrimine præliaturus: quid verò is optabit, cui pugna non placuit, non scio; quid obtenturus fuerit hoc scio; iacturâ regni nimia cautela stetisset.

N. 59. Primo Nouembris, scribis, iactu tormenti iuuenis insignissimus paritéq; Illustrissimus Comes Marcus Fuggerus Augustanus, cum Ducem Bauarum Buquoiumque Comitem inter alios multos heroës proxime obseruaret, vtraque tibia delumbatus est. Memoria tua, Peregrine, peregrinatur; yltimo Octobris ferali globo hic iuuenis succubuit; seu vt tu egregiâ metaphora loqueris, *tibia delumbatus est*; quare non & lumbis detibiatus? nesciebam etiam tibijs suos esse lumbos.

N. 60. Immissu Bauari templum in valle, vñaque cœmiterium ab hoste infessum, frustraque aliquandiu maioribus tormentis impetum egregia Neapolitanorum, Germanorum, & Lotharingorum virtus fortissima impressione occupauit, cæso aut fugato præsidio. Quod ego ideo meis verbis repeto, quod tu Bauaricis nimium quantum amicus, Germanos Lotharingosq; præterieris, solis Neapolitanis addictus; quos miraris tam diu adhæsse Duci Bauaro, quasi præferēdus ab ijs fuisset Buquoius; prætulissent, si Peregrini fuissent, & ingenij tui rustici.

N. 61. Camilli Coccii mortem prosequeris & hostes verbis frustra flagellas.

N. 62. Sequentibus diebus, inquis, præcipuus labor fuit in vallis, prætenturis, loricis excitandis, in tormentis utring, explodendis, in velitationibus magna ex parte inanibus, & in stratagematis frustra suscepitis.

Lapides Peregrine loqueris; apud Vegetum tuas prætenturas si inueneris, mone me.

In extremo hoc numero dolium maiore pila iustum, vinum profundit lasciuienti militi, cachinnosque mouet. digna res annalibus, sed tuis.

N. 63. Petulantiam militum, contumeliosas vtrinq; voces iactantium persequeris tam specioso verborum ornatu, vt appareat, fuisse ingentem tibi libidinem insulsa & stulta, quæ tibi arrisere, effundendi. Corollarium autem tuum primas fert; ais enim, *Sed non magna fuit voluptas istius capitanei Bauari, in nebula à suis aberrantis, qui per imprudentiam induit se in medios hostes, quod unus fistula more subulcorum Bauaricorum caneret, ratus inde eos fuisse suos.* Si quæram à te, Peregrine, quis hic Capitaneus fuerit, non aliud dices, quam Quidam. Quis est iste Quidam? scio ego. Quendam nugatorem. Sed oro te, ne quæras, Quis est iste quidam nugator? alioquin audies Constantius Peregrinus est. Tu hanc fabellam & dictum fortasse scurræ alicuius, dignum censes tuis chartis? Nulli erant subulci cum Bauaris; nec suum cornua cecinere in egregio exercitu: imo fatuus fuit ille, quicunque fuit, qui illudentis illius buccinæ sonum fecutus est; scire enim poterat, si mens constabat, Bauaros à Bauaris non ludificari. Hostium est conuictiani & illudere; imo non hostium solum. vt video, sed etiam tuum.

N. 64. Similis est priori & planè scurribilis: sed ne videar tibi iniuriam facere, loquaris ipse: Arguto tandem mihi responso in castris celeberrimo, finiam hanc dictiorum inter milites pugnam. Est lufus non unicus lufiorum chartarum, quo monas seu primus in numeris, ipsum regem superat. Monas autem inter Germanos plurimos. *Saw / id est sus, vocatur. Iam vero à suo morione interrogans Serenissimus Bauarus, quem tandem finem huius belli speraret, salsa simul ac facete, dixit, eundem quem in lusu chartarum, quo sus deuinct regem. Sues autem, vt iam dixi, scommaticè Bauari (à quibus cum Casarianis rex superatus est) nominantur. Dico cum Casarianis: quod id circa controversiam cognoscatur, quodg; Serenissimus Bauarus pro sua incomparabili modestia aliud esse à parasitis dictum, agerum, vt plurimi referunt, tulerit.*

Plura hinc tua sunt peccata, Peregrine; Primum est, quod videaris calatum tuum in hara tinxisse, qui de subulcis tam scite scribis. Alterum est, quod referas dictum mimi. Bauari, qui nullus in castris fuit. Tertium est, quod affirmes hunc à Bauaro interrogatum, quem tandem finem huius belli speraret. si nullus illi adfuit, nullum interrogauit; & scire debes Principem nostrum agitare res serias consuesse, mimorum ineptijs aut alloquo delectari minime, alioqui & tecum saepius in castris egisset. Cum prudentibus vsique rerum præstantibus illi & vsus, & necessitudo est: ibi audit, quod iuuat, & auditur vicissim. Quartum est, quod (facile ignosco, cum chartis alijs assueris) lufiorum foliorum, quæ Germani terunt, imperitum te ostendas; monas in ijs nulla,

nulla, sed Duitas, ut sic dicam, quam Galli appellant Deûx; ista regem deuincit, non monas. Quintum, ut affatim perfruaris mimicæ amarulentiaæ delicijs, fateris hîc à Suibus, hoc est Bauaris, regem superatum & infra N. 82. scribis, *Regno illum (Palatinum) Buquoius spolianit.* Ergo & Buquoius monas Bauarica? explica tu illi symbolum. Sextum si Bauariae Princeps parasitis suis, qui illi soli victoriæ palmam tribuerunt, admodum succensuit, & tu hoc loco eandem etiam ob causam subirásceris; cur idem ergo abs te aut alio tui simili commissum? In literis Buquoianis ad Cæsarem de victoria reportata, tam nihil de Bauaris, quam de Magni Mogoris bellatoribus.

Volitant quidem Prage, inquis, & Mediolani excusi Italicè libelli, quibus omnis gloria, omnis laus, omnis fortitudo huius belli, Serenissimo soli Bauaro, ac solis Neapolitanis, excluso Buquoio cum Cæsarianis, nec excluso tantum, sed malignissimi dentibus sapientis demorso vindicatur. Cum authore benignissime expostulauit Buquoius, cùmque infinitorum mendaciorum atrocissimorum propalam conuicit: deprecari tamen reatum, non ex malo, ut aiebat, animo, sed ab ignorantia profectum, impunè abire permisit. Apud eos qui hominem norunt, nullum est periculum ne fidem faciat, veluti palam is quem perspicue

Subsequitur cæcus amor sui.

Attollens vacuum plus nimio gloriâ verticem.

Volitant pariter per Germaniam literæ vestræ, in quibus nulla alia iniuria Bauaro irrogatur, quam quod nihil illi arrogetur, & tu in hoc ipso scripto sapientis dentes in eundem exeris, nescio an malignissimos, ita certè,

qui

qui sentit, sentire videtur; nisi fortasse opineris tuos dentes quantumuis altè infixos, demulcere legentem. Constat vtrumque exercitum fortissimè pugnasse; sed constat etiam Bauarum auctorem prælij fuisse, summumque militiae caput, cui adscribenda victoria, Buquoio tamen non detrahenda. Tillius certè in ipsa pugnâ ingentibus periculis obnoxius longè plus præstítit, quam Buquoius ob vulnus in cilio considens, & Tillius tamen cum nullo villam de victoriæ principatu contentionem suscepit. Plus haberetis, Peregrine, si minus cuperetis. Quare tibi ista canere.

Subsequitur cæcus amor sui.

Attollens vacuum plus nimio gloriâ verticem.

N. 65. Ais scripta & Pragæ & Mediolani sparsa, non esse lectu digna. Ego verò, ais, neglecto eo (adulatore famelico) rius, sicut sperantis commentis, ut prorsus non legi, sed negligi dignis. Censura hæc in tuo libello, de tuo libello longè optimæ est: quid enim in eo nisi temere congestū rerum & fandarū & infandarū chaos? Multa non suo loco, multa quæ nullo loco esse debebant, vel quia falsa, vel quia ludicra, & togato scriptori indecora; in quo vnum hoc laudo, quod tam vario carmine stilum alicubi satis inquinatum condecores: hoc enim ipso lectori ostendis, & etiam persuades, te in historia contexenda poëticè loqui.

N. 66. Inter summas annonæ aliarumque rerum difficult-

Sicutates laudatur militum constantia, & ardor pugnam
expetentiū. Sed de Buquoio quid faris? Buquoio ipso, inquis,
sine solita quidem lautitia, haud tamen minus quam alias late. Itaq;
solita est Buquoio in castris lautitia? nunquamne is fru-
galis, quam cùm non habet, cum quo luxurietur? debet
tibi non parum Buquoius tantopere laudatus: parsimo-
nia alioqui Ducum apud scriptores in laude est; tibi for-
tasse, quia patina placet, placet & is cuius quadram lam-
bis: sed quam aptissimè quadrant Valerij Coruini verba
quæ tu hic allinis, inducique Buquoium ita loquentem.
Facta mea, non dicta vos milites sequi volo; nec disciplinam modò sed
exemplum à me petere: Itaque milites iubentur à Buquoio
in annonæ egestate à se petere exemplum patientiæ; alias
exemplum lautitiæ & quidem solitæ. Bellissimus enco-
miaistarum Peregrinus est, & multis nominibus meretur,
ut ipse quoque laudetur, sed à simili laudatore. Ego ve-
rò Buquoium nec admirsum volo, nec carptum (utpo-
te, qui non nesciam diluendas sœpe belli molestias, & li-
beraliori victu minuendas) ostendo tantum quam ege-
gium scriptorem sortitus sit.

Sed tamen lautitiam delitiásque procul habuit Bäu-
varus, nec suos quidem contendit vincere. Mensa nun-
quam nisi modica, interdum nulla; curis sœpè satur: in
delectu nocturnarum stationum minimè delicatus, tu-
gurijs à Buquoianis ante suum aduentum aut spoliatis,

aut

aut propè euersis contentus: manè ad primam viandi op-
portunitatem vigil, & iam in itinere, cùm alij puluinar
adhuc premerent. Certè vltimâ nocte, quæ prælium
antecessit equo insidens & gelascente sub dio per horæ
decursum expectans missis pluribus nuncijs, tandem qui-
escentem Buquoium castris exciuit; perditurus omnia, si
diem illum perdidisset. Neque hostis nesciuit impigrū
Bauari militandi studium, atque idcirco extimuit, au-
dētque adhuc palam dicere, in locis minimè tutis se tu-
tum à Buquoio fuisse, è loco verò tuto à Bauaro eiectum
& cæsum.

N. 67. Benignam Dei prouidentiam in domum Au-
striacam & Ferdinandum Cæsarem Catholicorum Prin-
cipum suppetias commemorat. extremum ita infit: *Sed*
inter reliquos Ecclesiasticos Principes, nescio an aliud subsidium illustrius
(absit inuidia, cum non errem ex affectu, sed si erratum sit, ex solo in-
tellectu) quam Illustrissimus Virzburghensis ac Bambergensis Episcopus
suppeditauerit. Numerus dicebatur octo millium: sed tam equitum
quam peditum ita instrutorum armis periti militari (integro anno ab
egregijs capitaneis ingenti sumptu fecit eos exerceri) alacritate & firma
valetudine, ut firmissimum essent exercitus Bavarici ornamentum.
Verissimis laudibus extollis clarissimum Germaniæ Prin-
cipem Episcopum Wirzburgensem de Cæsare ac repub.
insigniter promeritum; sed more tuo quidquid occurrit
effundis. Ex tuis octo millibus duo peditum millia quin-
genti, sexcentique equites stipendia duntaxat Wirzbur-
G gica

gica secuti, reliqui omnes sub Bauaricis signis meruerunt.

N. 68. Cum in via essent illi VVirzburgenses (sic hodie vocantur) in Bohemiam Don Balthasar de Marrada ubique inclita iam fama celeberrimus illis processit obuiam, & liber ab hostibus (quos uterque exercitus, Cesarianus ac Bauarus procul ab eo distinebat) quam plurima oppida ac castra eorum auxilio expugnauit; ita ut iter ex Bauaria in Bohemiam eius industria eorumq; opera tutum ferè esset ac expeditū. Honoris causa tanquam duci egregijs factis inclito voluit Princeps etiam suos parere.

N. 69. Nouemb. 4. latum aduenit exercitibus cum magno comiteatu omnium necessiorum hoc subsidium, simulque melius de prælio instantे (quod vix ulli videbatur euitabile) plurimis meticulosis præagiū. Lubrici tibi pedes sint necesse est, Peregrine, qui toties laberis; pars subsidij huius iam 15. die Octobris veniat, pars 3. Nouemb. non 4. appulit. Erras ubique, sed ubique etiam deprehenderis.

Quod ais, prælium videbatur vix ulli euitabile, cum discrimine accipio. Bauari vnicis votis prælium poposcerant, non arbitrati tamen sunt non ineuitabile, quia sensum Buquoianorum nouerant, præcipue illorum qui antehac non admodum suspirauerant pugnam; & idcirco Bauari metuebant, ne Buquoiani porro nollent. Sed aduentus attulit melius, vt tu loqueris, plurimis meticulosis præagiū. Itaque in exercitu meticulosi reperti sunt? quæso in vitro? profiteris in initio tuarum chartarum oculatum testem:

Si ergo

siergo oculo teste deprehendisti meticulosos in Buquoianis castris deprehendisti; in Bauarico, quia aberas non poteras; ego verò dum diffidentiam quorundam aduento, omnibus timiditatē non obiecto, scio plurimos in Cæsariano exercitu Martios spiritus gessisse, qui animo & robore confisi congressum cum hoste efflagitarunt ultro.

N. 70. Buquoium per castra negotiosum, dum non procul hoste mandata dat, ferrea glans in virili corporis parte, non tam percussit, quam stringendo adussit. Id vulnus auribus maius acceptum, quam oculis: & netu, Peregrine exanimis iaceres, chirurgi latiora nunciantes reuocarunt fugientem animam tuam.

Ille qui plagam acceperat animo erectior fuit, nam ad proceres fortè astantes, ait, per quæ quis peccat, per eadem punitur. Militare dictum, quo se se non tam religiosum fuisse in Vestæ templo, quam tu ei supra N. 5. tribuis. affirmas enim eum nunquam sacris Bonæ Deæ cum Clodio interfuisse: verum nequaquam mearum est partium secreta rimari, neque mea refert quid Iuppiter in aurem Iunoni immurmuret; demonstrare tantum voluitua dicta, Peregrine, cum Buquoianis non admodum conuincire.

N. 71. Die quinto Nouembris Raconizio cum hostes elicere in pugnam nulla spes supereret, recessimus. Commodissima aciem nostram

posteriorem delumbandi oblata est hostibus opportunitas, cum perdifficilis esset ceteris aciebus ad opem ferendam regressus. Sed nulla nostrorum manus infirma illis est visa. Emissarij quidem aliquot non semel sunt inseguitti, sed simul ac à VVallonibus, qui postremi recesserunt, sunt visi, in fugam idque semel atque iterum fuerunt retroacti. Spe tamen instantia occasione conflictus freti, non modo Colonelli nostri, Colonellorum vicary, ac capitanei cum flore exercitus posteriora agmina cludebant. Recedimus ergo bonis auibus Raconizio, Peregrine, sed ordine à te structo, ais enim Wallones postremos recessisse adeóq; formidabile tergum præbuuisse, vt ihostem semel iterumq; laceſſere audentem in fugam retroegerint. Admodum arridet, Peregrine, quod extreum in discessu agmen tantis laudibus ornes; eæ tamen Wallonibus non cedent, sed Lotharingis potius Bauaro militantibus, Bauara eo die acies & prima fuit & ultima, postremum ordinem duxit Floreinuille ducentis Muscetarijs stipatus, hoc ipso præter cætera facto illustris, eò quod inter belli gnaros arduum admodum habeatur in recessu antecedentes tutari, & vim insequentis hostis aut eludere, aut coercere. At tu, Peregrine, vt tuos Wallones magis illustres, fingis etiam semel atque iterum retroactos ab ijs hostes, tu semel atque iterum loqueris etcætera; nam nemo vnuſ hostis infecutus fuit, retroage ergo verba tua.

N. 72.73.74. Recitas fragmentum historiolæ Anhaltini progressus ex hostium chartis parum ad nos attinentis.

N. 75.

N. 75.76.77. Pragam iter vterque exercitus intendit molitionum hostilium ne per exploratores quidem sciens. Buquoius pugnæ committendæ non iniquissimo loco certus; septimo Nouembris sub vesperum hostis cernitur, velitationibus laceſſitur, nullo ferme operæ prelio: pluribus demum ignibus per noctem incensis ludificationem hostis adornat vna, & iter fugæ simile.

Hæc tuorum numerorum summa, in quibus per saltus historiam texis: Sexto die Dux Bauariæ cum legionibus suis Buquoianos antecessit, obuio Hungarorum præſidio trucidato, curruum triginta comeatum hosti ademit. Septimo die alternato præcedendi iure vestrum erat hostem primò cernere; sed quantum à Buquoio properatum sit, indicio est, quod Bauarus, cui posterior acies obtigerat, aliquot horas exercitum vestrum anteuerit. Nebula, quæ cælum caligabat, post meridiem diffusa, quatuor equitum hostilium alas detexit: qui ut conspexere turmas aliquot de nostris aduersus se instrui, subduxere se in tutiora. Ergo nostri paritet infecuti totam hostium aciem in plano & pugnæ aptissimo campo deprehendunt. Serenissimus vbi hostem ad dimicacionem paratum aduertit, & ipſe suas copias per ordines disposuit, missisque retro cursoribus Buquoium, vt occasione adesset, maturaré que monuit; frustra: Buquoius primum oboris tenebris appulit, indignantibus Bauaris

omiba

G 3

oppor-

opportunitatem eo die præliandi ademptam, qualem deinceps vix sperare liceret. Consensus omnium fuit deleri potuisse hostem. Princeps simula o prudenter animi morsu ne & in sequenti luce elaberetur hostis, haud dubie Deo agitante cum Buquoio conuenit, uti ad noctis medium castra mouerentur.

N. 78. Gautscherius equitum Colonellus, in primis clarus, hostium castra explorat, arreptoque ex statione milite ad Buquoium redit. Ab hoc intellectum hostem Pragam festinatis itineribus contendere.

N. 79. Buquoius hora vespertina cibum sumit, vultusque curat, post tres horas ex condicte abiturus.

N. 80. In porta inquit Peregrinus hypocausti (Strazitij) in quo Buquoius iacebat, scriptum vidimus chro-nographicè

frIDerICVs reX bolheMIæ.

Rursum

frIDerICVs IMperator VIVat.

Hoc ego ex tuo numero ideo refero, ut lector sciat, quo Calvinistæ collinearint: omnia rapturi, omnia amiserunt.

N. 81. Id cum Candidus Eblanius narrasset Buquoio: tibi vero, inquit, quid videtur? Candidus insit candide; verius chronicon videri sibi utrumq; istorum:

*CoMes fVIstI, non reX, sed insane asplasti,
Clio nec reX nec CoMes eris qVla CesarL rebELLasti.*

Admo-

Admodum hæreo an Candidus ille Eblanius tam promptus fuerit, vt instar alearum numerale carmen ex tempore proiecerit; non dubito primum esse cusum post Pragam captam; nam idem in pœlio Pragensi à Candido vulgato legitur, quasi è re communi esset scabiosum carmen iterare.

N. 82. Quibus certè ut vidimus euentus egregiè astipulatur, cum regno illum Buquoius, comitatu magnus Spinola, sed Electoratu potentissimus Cæsar spoliauerit. Etiam ut video, mi Peregrine, prophetam agis, & ne erres præterita fermè prædicis, nec tamen ista vere. Quis regno spoliauit Palatinum? Buquoius, inquis; perinde est, ac si dicas, Ego & Hispaniæ rex opulentii sumus, sed tamen nisi suas pecunias Hispanus meis connumeret, census noster tantus erit. Si Buquoius sine Bauaro tantum facinus patrare potuit, ecur non citius fecit? quid per æstatem intra vallos delituit? cur Bauarum rectâ in Bohemiam mouentem in Austriam traxit? Buquoius, ut sciens sis, ita Generalis Cæsareus fuit, ut in expeditione Bohemica Bauaro subijceretur; nam Commissio, ut vocant, seu imperium in Bohemiam à Cæsare Bauaro traditum erat, Buquoius ergo adiutor tantum adiunctus, id quod præstitit, sub se maiore præstitit. Liberati ergo regni gloria penes Bauarum est, supremum Cæsaris ducem; neque tamen idcirco de laude Buquoij fortissimi adiutoris quidquam delibatur: vterq;

Constantius Peregrinus

exercitus in pugna strenuè rem gessit, vterque eximiam gloriam reportauit, reportarunt & duces, sed summus summum, quam qui inuidet, suam amittit.

N. 83. 84. Gautscherius etiam hostium testimonio præclarè pugnauit in Hungaros, quos somno sepultos & sui securos improviso impetu oppressit, abductis milie equis.

N. 85. Admodum prolixus est in decantanda Gautscherij virtute in dormientes exerta Hungaros usque adeo territos, vt etiam reliquo exercitui incusserint pauorem ad fatalem pugnam vsque duraturum, fuit itaque hæc felix Gautscherij velitatio non solum initium, vt tulocurris, sed pignus ac arrha totius victoriae.

Si primùm post Gautscherij conflictum timor hostes occupauit, ecquid oro te Peregrine numero 77. supra scrisisti, hostes ignibus succensis surripuisse se occulta fuga versus Pragam: si fugitiui, ergo timidi, nemo fugit, cui pectus interritum est. Ad fines Moraviae cùm Bauari terrantia signa videre Bohemi, cœpere expallefcere, horrere, trepidare, cursitare, conspectum non ferre, tuta capessere, nusquam consistere. Ab hoc igitur tempore futuræ victoriae arrha nota esse cœpit. Duxenti Hungari sua vecordia trucidati tantum formidinis magno exercitui non iniecere sed alias exercitus vestigia eius vestigijs legens terrorem incussit. Haud vanè præsagis militiæ tam meticulosæ non fore fortem euentum.

Inter

castigatus.

Inter cætera cùm æmulationem Cælareos inter & Bauaros equites detegis, lepidus es, imò ne errem serius es, prodigosus es; nam præsentem sistis in Gautscheriano certamine Vicecolonellum à Niuenheim, qui Bohemiā non attigit, sed multò ante ægritudine fractus domum repetiuerat. O te oculatissimum testem, qui etiam ea videas, quæ videri non possunt.

N. 86. Gautscherius pagum incendit, & micante per tenebras flammā Peregrinus recreatur.

N. 87. Probat ab exercitu Imperatoribus ad iter expeditius conficiendum relicta esse impedimenta.

N. 88. Princeps media nocte cum suis pergit, Buoquius insequitur, & stratagema, vti tu appellas Gautscherij cognoscit. Ego verò licet fortissimi equitis facto fauaciam, stratagema tamen nullum reperio. Quid est stratagema, Peregrine? dormientes ferro cædere? magnus scilicet astus militaris est.

N. 89. Labore & industria Anhaltini aduersariorum acies in ordines tributa delineatur, in qua, inquit auctor Relationis, rationibus subductis debuissent circiter esse peditum 18000. & 10000. equitum, præter sex millia Hungarorum. cum tamen in prælio vix essent omnes simul viginti millia. Minuit hic credo scriptor suorum numerum, vt dedecus suorum minuat.

N. 91. Ex captiuorum confessione in acie Bohemica
H depu-

depugnasse viginti quinque millia scribis, censēsq; aciem ipse censendus. Calamus & libri, tuæ censuræ sint; quamquam neque calatum cum decòro ducere nosti, alioqui modestius eum usurpasses in tuo itinere inuiio.

N. 92. Mons albus Bohemis æternùm funestus oculos ponitur, in cuius imo ponticulus non nisi seorsim vni, vt tu loqueris, vel alteri transibilis: fallis porro & in transitu equitum; nam inquis, Ab una & altera pontis parte palustri, transitum inuenierunt sigillatim, qui equos habebant meliores, Caligauit rursus oculus tuus, testis oculate. A parte altera ponticuli paludem permearunt, ferie qua volebant nxi equites lata aut angusta; nec soli qui valentioribus equis insidebant, sed omnes. Et quando tandem superaserat illas angustias exercitus si alter alterius vestigijs insisteret sequendo coactus fuisset? de re tibi ignota scribis; & scio ego, vbi tum fueris, cùm copiæ traductæ sunt. Diceste audisse ab alijs, & ego à te audio, sed non credo.

N. 93. Nondum absoluta montis descriptio est, neq; aciei hostilis.

N. 94. Seipsum Peregrinus temeritatis accusat & causam subnectit, Cùm enim, inquit, Tilio Bauarici exercitus Generali importuni caco zelo fuisse, ut montem subiret, antequam medius exercitus ad subSIDium peruenire potuisset; nihil proprius fuit, quām vt eum, qui altoquì male faudentibus fardus esse solet, & nos ipsos hosti victimam vtroneam faceremus. Quid si Barone Tillio inde te vanitatis condemnem, Peregrine? vbi tu hæc cum Tillio?

Tillio? quid consilij contulisti? cratne titum, flexilem fortunæ orbem versare, & pugnæ genus quod non intelligebas, suadere? Subierat iam ingenti ausu Tillius, ac manus non solùm cum hoste conseruerat, sed etiam cedentem pepulerat, habiturus faciliori certamine victoriæ, si cæteræ cohortes maturassent insequi; receptui ergo inuitissimus cecinit, expectaturus reliquam aciem, neque mora hæc periculo caruit. Igitur primus inquis, nos discriminis tanti monus Eduardus Giraldinus nobilissimus Hibernus Venerabilis colonellus, Serenissimo Bauaro bellicus consiliarius, eiusq; ad Buquoib treberrimus internuncius, veteranus, ac Ostendæ celebris miles, hodie gubernator Vdenheimensis pro Spirensi Episcopo. Hic, inquam, docuit nos in tanto periculo versari, è quo vix erat egressus. Et certè ita erat, si Deus mentem perduellibus non abstulisset, caliginemque non offudisset. Ut ruerent suas furenter in clades, quas alioquin euitare facile potuissent. Giraldinus ille tuus gentilis properè à Serenissimo Bauaricæ duce missus erat, vt quæ in rem esse censeret, referret. Si Bauari in periculo fuere, fuere tui adhuc absque villo; lentius enim pergebant, nec tam ab hostibus malum instabat, quām ab absentia vestra.

Anhaltinus, ais, pro rara sua peritia bellica predam sibi oblatam iem pane fauibus denorans, in nos copias suas uniuersas effundere voluit. Sed Hollachius vt captivi omnes confirmarunt, & relationis hostium tacito eius nomine, quæ sequitur quartapars indicat, magno nostro bono ne iusto prælio occasio daretur (ita à congressu erant Pisandri nostri alieni) opportune intercessit.

Hunc tu, Peregrine, numerum finis epiphonema-

Constantius Peregrinus

te, cui non obtemperas: sinamus ait, Cononi, qui illud intelligit bellum cura esse, nos vero rerum istarum imperiti, rerum nostrarum satagamus. Sæpe qui optima docentur, pessima docent. Ecquid tu cum imperitum te fatearis, toties magna capita censuisti? si animus satagendi rerum tuarum est; militem exue, ab ephippio sclopetos amoue, fac alia quæ tui sunt muneris: satis intelligis, satis yelis.

N. 95. Buquoius quoq[ue] (quem iam ad pedem montis iuxta ponticulum habemus) aduentus exercitus Bauarici imminentis non sine indignatione periculum, suos ut se ad dextram celerrimè aggregarent, atque in aciem prescriptam conicerent, salicite mandauit. Per victoriam paulo post obtinendam, oro te, Peregrine, ubi Buquoius aduertit periculum Bauaricum? ad ponticulum? vis ut Cандido candidè loquar? falsum est; in pago proximo adhuc considens Buquoius ad Bauariæ Principem qui cum suis propè pontem aciem instruebat misit, ne suos ponticulum transire pateretur, sed cum postea ab alijs transisse cognosset, hostemque primæ aciei virtute submouisse, frontem asperauit, videbat enim eō non sine consilio processum, vt nolenti volenti pugnandum esset.

Nunc ergo acies nostra, pergis, in momento instructa putanda est, sed longè diuersa ab hostium, quam paulo superius vidimus formâ. eam quoque pro modulo meo, si prius, quid fieret à nostris strictim regulero, crassissimo luce penicillo delineabo. Hic aliquid tandem efficis, in quo suasorijs non eges: ait te crassissimo penicillo aciem tuam delineaturum. credo.

N. 96.

castigatus.

N. 96. Dux Bauarus inseparabiliter adstabat Buquoio, in rheda ob vulnus sedenti, idque ad pedem nostri montis. Videbantur esse in tuto, minimum tamen absuit, quin globo tormentario per gradarios desultus in eos magis deuoluto quam contorto, non sine ingenti damno orbis Christiani opprimerentur.

Bauariæ Dux non inseparabiliter Buquoio adstitit, sed tibi inseparabiliter adhæret affectus in Principem iniquior. Iam Serenissimus pontem superauerat, cum Buquoius adhuc longissimè abesset. Dein quoties Buquoius Principem per nuncios rogauit, vt consulterus ad se curru detentum ex vulnere, dignaretur accedere? an nuncij mittuntur coram præsentibus, Peregrine? saepius, debebas dicere, Principem Buquoio adstitisse consilij causa, quod pro re nata aut mutata aliquoties mutandum erat, quanquam initio Princeps ad rhedam diutius substitit, quod Buquoius de alca iacenda anceps diu fluctuaret, & vt flecteretur, iussit. Serenissimus etiam minores duces accersi. Vbi aliquandiu variatum sententijs, conclusum demum est Deo & Diuis bene fauentibus eundum in hostem. Ergo ubi iam cælum tubarum clangore, tormentorum boatu, & clamore militum inhorruit, cohortesque quædam loco cesserunt, Princeps & Buquoius ad suos pergere coeperunt, ac Serenissimus quidem ad lauam creptus hosti tormenta nostris infesta, sed iam suorum virtute occupata reperit. Nemini magis doluit quam

H. 3

Ser-

Serenissimo, quod apud vulneratum tam diu consistere adactus fuerit.

N. 97. Narrat religiosorum in exercitu labores, & octo Patrum Societatis Iesu Jobitus, pietatem item non paucorum militum ante pugnam.

N. 98. Inuehitur in impios milites.

N. 99. Aciem Buquoianam refert pro angustia loci ordinatam, Buquoiumque à peritia laudat. *Dein omisso,* ait, *Bauarico exercitu cuius ideam soli sibi voluit Tillius notam esse. O Peregrine, propè dixi inepte! Soli sibi notam voluit esse ideam aciei Bauaricae Tillius? vbi ergo aciem instruxit? an in occlusa fornace aut facco aliquo? an non in aperto campo stetit acies Bauarica? non vidi, inquies: credo equidem, quia magno stat hæc visio; sed nec credo te vidisse Buquoianam & tamen eam memoras. Sed cur utramque aciem in prælio Pragensi (in libello inquam tuo de prælio Pragensi) oculis lustrasti, & in Itinere tuo octocessatus primum es: in prælio Pragensi ita scribis: Ita tamen acies utraque disposita est, ut Bauarica copia à sinistris, Buquoiana à dextris quatuor phalangibus peditum, & quindecim turmis multiplicibus equitum impressionem fecerint. Ecce nosti aciem dispositam, & tamen ais, Tillium sibi soli notam esse voluisse.*

Buquoianam hunc in modum describis. N. 100.

NB. Hec & Acies Cæsariana triplex erat: prima, media, postrema.

In prima erant binæ peditum, numero circiter (si omnes adfuissent) sex millium, phalanges; binis muscetariorum cornibus antrorsum atque retrorsum (quorum singula fronte quinaria ordinib[us]q[ue] viginti, centum circiter recensabant) prominentibus. Singulæ item tripartitis equitum alis parum infra medium ex mille forte quingentis equitibus erant suffulta, quæ tamen dextræ phalangis erant sinistræ alæ, phalangis sinistræ alas dextræ efficiebant. Omnes acies, phalanges & alæ distantiam praescriptam accuratè obseruabant, quâ ad vim inferendam, & illatam repellendam nulla potuit esse opportunitior.

N. 101. Media acies ex solis tribus millibus Neapolitanis strenuissimis equitumque alis binis constabat.

N. 102. Postrema acies par erat in forma priori, nisi quod singulæ phalanges singulas haberent tantum alas exteriore. Inter utramque tamen phalangem Poloni omnes simul nonnihil retrorsum collocati erant. Vniuersi simul non attingebant millia duodecim, absentibus amplius equitum millibus duobus & millibus sex peditum: partim in expeditionibus cum Don Balthasar & Dn. Walstein: partim panis querendi causa palantibus. A sinistris imperialium, exercitus Bauaricus suum, quem (vt dixi) nescire debui, ordinem tenebant.

Anterioris aciei dextra phalanx obtigit Wallonibus (præ-

*sur 59, 60
§. LXXX
fol. 57. sunt
ip[s]i[s] Peregrini
verba,
quantumvis
errare quodā
alio chara-
ctere impresum*

(præfecto castrorum Don Guilielmo Verdugo, & D. de Hainin strenuissimo, vigilantissimo, ac probissimo Buquoij Vicario) militantibus. Verduuorum olim in Lombardia Verdugis cognomen erat, Sed cum esset aliquis ex ijs ante plura secula Mauromastix seu flagellum infidelium, eos Verdugos seu carnifices, maxima cognomeni quod etiam ideo multis seculis retinent gloria ac commendatione nuncuparunt. Et hic noster Verdugo Caluinomastix in hoc prælio ut statim dicemus fuit.

N. 103. In ala phalangis dextra erat Gautscherius ille, de quo superius, ac turmæ aliquot Walstein sub Vicario Colonello Lamothe, veterano, forti, pio, ac sub Torquato Comite altero Vicario Colonello illustri. In eiusdem sinistra equites de la Croix & Montecuculi erant.

N. 104. In sinistra phalange legio erat etiam duplex Breineri & Tieffenbachij, quibus alam sinistram addebant Don Balthasariani sub Vicecolonello Philippo de Areycaga, y Auendaino, Hispani pectoris & vero Biscaini, ut statim videbimus herœ.

N. 105. In media acie Neapolitanorum sub præfecto castrorum Carolo Spinello, de quo superius, alæ erant ex equitatu Damperij & Lebell.

N. 106. In postremæ aciei phalange dextrâ ex legionibus Duci Saxonij & Comitis Nassau, ala erat rursum ex equitatu Damperij, & in phalange sinistra (ex legione

Fugge-

Fuggeri & Quattro-cohortanis) ala constabat ex equitibus Florentianis.

Latius propemodum aciem in charta expandis, quam explicita in campis fuerit. Nesciebam Buquoij manum tam paruam fuisse. Bauarus certè numero superior fuit: nam cum Panegyrista Monacensis refert supra 14. millia morbo absumptos, eos etiam in demortuorum numero putat, qui post prælium duorum ferme mensium spacio assiduis funeribus in libitinæ censum venere; venere autem plurimi. Admodum autem etiam hoc loco Buquoium laudas à disciplina, qui tam multos summo periculo instantे ab exercitu panis querendi causa absfuisse sorbis.

Polonos in tertia acie Cæsariana & quidem intra medias phalanges constituis; ipsi sanè neque in dextris, neque in medio constitere, sed ad lœuam omnium postremi imperium obseruarunt.

At verò, mi Peregrine, ne porro Tillium nimij arcani accuses, quasi nulli voluerit notam suam aciem; en tibi eam ego in ordinem cogam, vt iudicium pro peritia tua bellica ferre possis.

Ergo eam scias fuisse in quinq; partes ferme tributā. In prima constitere legiones duæ; Colonellus Paurius lœuam, legatus Floreuil cum Lotharingis dextram tenebat.

Secundam expleuere tria equitum agmina, ita diui-

sa ut ab vtroq; cornu latius duo excurrerent, ac medium duarum in acie prima legionum interuallo obuerteretur. Singula quinque equitum signis constabant. Sinistrum regebat legatus Enneten, medium Lotharingus, dextrum Crazius.

Tertia acies ab lateribus haud multum secundā excēdens, tribus erat phalangibus visenda, sinistram curabant cum suis legionibus Colonelli Schmid & Ruuil, medium Herlebergerus, dextram Haslangij & Comitis Sultzij legiones.

In acie quarta tria equitum agmina visenda: primū à sinistris duarum in antecedente ordine phalangium intercedinē complexum, Harsello ductore consistebat: Alterum sub præsidario Serenissimi Principis Duce Benedictheusero interuallum medij & tertij membra in acie tertia obseruabat. Tertium Baro Papenheim interuallo aliquanto remotiōre ad dextram continebat.

Demum Dux Bauarus ipse Buquoīusque.

Extra ordinem ad sinistram exercitus nostri partem separato ordine Poloni in equis imperium expectabant.

Superārat iam montem cum equitibus suis præfetus Grien & trecenturio Saniulianus, consistebantque obliqua serie ad dextrum hostilis exercitus cornu.

Albertus Comes à Wartenberg cum Croatis ad ponticulum obseruabat.

En Peregrine ideam aciei Bauaricæ, & si vis quoniam peregrina Peregrino allubescunt, eū Buquoiana confer: densiores apud nos phalanges, equitum potissimū: raræ tuorum alæ & in plures manipulos dispersæ, atq; ideo pulsu faciles, vti in ipso pugnæ initio compertum, cum valentioribus hostium turmis cederent. Velitationibus hi ordines seruiunt: vbi toto aciei molimine certatur, conferti cunei & violentiæ illatæ obsistunt & obſistentes obterunt.

N. 107. Tormenta vtrinq; fulmina iactant, hostilia haud magnas strages dedere. *Nostra*, inquit Peregrinus à dextris solo terrore sinistrum hostium cornu spoliarunt mille & quingentis Hungaris, ne quidem strepitum tormentorum patienter ferentibus, ut relationis hostilis quarta pars referet, quam iam inseram, dum interea auti castrorum præfecti audituri, quod in primis optabant, ad Buquoium progradientur. Quia Buquoiani dextram tenebant partem, idcirco sola eius partis tormenta apud Peregrinum insonant, & Hungaros pauefactos locopellunt. Vanissimus nugator es, Peregrine, & interim dictorum tuorum testem laudas auctorem relationis hostilis. Audiamus illum pro gloria Bauarorum scribentem.

Relationis hostilis 4. pars : de sententiarum discordia, inobedientia, ac terrore inter suos.

N. 108. Anhaltinus, inquit, visis separatim à ceteris aliquos legionibus, omnino succidere optauit, sed obsterunt alijs afferentes sub-sidio reliquos repente adfuturos & pralium originem inde habiturunt. Rursum videns exercitum Cæsarianum valentiores à sua dextra, ad subsidium suarum copiarum oppositarum mille quingentos Hungaros definare voluit, sed illi hostilibus tormentorum tela in illam partem emissis territi, quantumcumq[ue] iussi minime obtemperarunt. Multorū sententia discrepantes tum audiebantur de prælio non futuro, vel certè eo die non futuro, & è contra. De solo Buquoio an adesset anxius videbatur Anhaltinus, neque id semel ore agnouit. Cum tamen præter opinionem videret aduersarios præ se ferre congregandi desiderium, commendata sinistra parte Holochio, voluit dextra ipsem præesse.

Huc sis, Peregrine, & specta Cæsarianum exercitum (exercitus Cæsareus appellatur ab hoc auctore Bauaricus & Buquoianus, quia vterq[ue] pro Cæsare & Cæsarī auctoritate belligeravit) ad dextram Anhaltini. Qui fuerunt obuersi dextræ Anhaltini? Bauari; nam sinistrum cornu in Cæsariana acie curabant. Si igitur valentiores ceteris erant & formidabiliores Anhaltini iudicio, ideo ut & ipse firmior esset, ea in parte quam sibi tuendam suscepserat in subsidium vocavit Hungaros imperiū spernentes ob emissā tela in illam partem. Quælo in quam partem? an non in eam ubi Anhaltinus stabat? ita opinor. sed illa non erat opposita tuæ tuorūmque dextræ, quomodo ergo in illam partem emissā tormenta sunt, an per obliquum directa parcebant proximis, ut damnum inferrent remotioribus? Dein nescio an verum prodas,

cū

cum inquis, nostri solo terrore sinistrum hostium cornu spolarunt mille & quingentis Hungaris: Quos Hungaros intelligis? scio quosdam, qui neque per imperium supremi ducis Anhaltini pertrahi cōvaluere? Auctor relationis dicit, quantumcumq[ue] iussi minime obtemperarunt, nempe ut transirent ad cornu dextrum Anhaltini, quod erat nobis sinistrum.

De solo Buquoio anxius, an adesset, inquit auctor Relationis, non quod tantopere timeret Buquoium, sed quod ipso absente metueret sibi cum Duce Bauaro prælendum, quod neutquam optabat. Non enim nescius erat Buquoium ad pugnam non nisi cum certa victoriæ exploratione descendere, atque idcirco spe alebatur Bauarum, pugnæ cupidum, abstinentum iri à Buquoio, quem saepius à se lacescitum in Austriae & Moraviae confinio elicere non poterat. Et quod solūm prælij necessitatē timerit Anhaltinus manifestum efficitur ex verbis illis, Cum tamen præter opinionem videret, aduersarios præ se ferre congregandi desiderium commendata sinistra parte Holochio, (aduersus Buquoianos) voluit dextra ipsem præesse, aduersus aciem Bauaricam, quam valentiores viderat, & ea re maiorem gloriam sperauerat.

N. 109. Nunc ad prætorium pedemontanum ubi exercituum Imperatores in media præfectorum omnium castrorum corona, agebant, audituri, quid dicatur, abeamus.

N. 110. Modestie & humilitatis pugna fuit inter Bauarum

Constantius Peregrinus

ac Buquoium uter verba esset castrorum prefectis facturus, ut erg. multa contra se & pro altero ut prouinciam susciperet in medium attulit. Ille de re militari Buquoio, hic de summa negotijs Bauaro dicendum ac definiendum, contendit: ille adiutoris non ductoris, hic maiori obsequentis non praeipientis suum esse officium afferuit.

Vel silere debebas, Peregrine, vel rem ex vero narrare; putent tua verba & vanitate & ambitione non tam tua, quam aliena. Serenissimus iam eò prouectus erat, ut quod vnicè volebat prælio decerneret; nec cogitabat porro an fortuna tentanda, sed quomodo superanda: Et quidem in tempore: acies enim nostræ ictibus tormentorū hostilium patebant non sine aliquo moræ periculo, quod nulla consultatione vinci, poterat augeri. Buquoius multa longo vsu edoctus hærebat anceps, nec propendebat in prælium. Ergo multa protestatione usus, Bauaro explicare ancipitem pugnæ sortem, verti in ea dominus Austriacæ incolumitatem, imperij salutem, uno prælio amitti posse, nullis prælijs recuperanda. Atque in eiusmodi sermonibus persistenti Buquoio permisit Serenissimus ut Cæsarianorum coacto ducum cœtu consiliū iniret. de suis neminem accersiuit, præter supremū legatum Tillium frementem atque indignantem se à certaviatoriae spe, & inchoato iam ac prospero congressu cum hoste pauido ac trepidante per vim abstrahi ad noxiā & intempestiuam consultationem: aduenerat forte (neq; enim ad concilium accersitus erat) etiam Baro ab Anholt

Gene-

castigatus.

Generalis apud suam Serenitatem Vigiliarum præfetus, Imperium à Principe accepturus. Igitur Buquoianos noluit Princeps alloqui, & quia ad prælium obstinauerat, & quia interpretem Buquoij cunctantis agere pro sua existimatione nō censuerat, neq; etiam callebat Buquoiana argumenta contra prælium; pro prælio sua habebat. Deinde quod Buquoius in medium attulit, suo ex cerebro fecit: Principis in ea re non erat Buquoium oratorem constituiere; & ausus alias fuit Buquoius, ne ab imperijs Bauari pendere videretur suos in coronam vocare, non reuerita maiestate Principis exclusi; hīc verò & Principem voluit præsentem & Principis nomine omnia proponi, vt si adducere minores duces potuisset in consensum omittendæ pugnæ, auctorsentientiæ apud totam Europam inuisæ videretur esse Princeps. Quæ cùm ita sint, non est quod tantam modestiam Principis vendites, quasi honorare Buquoiu voluisset silentio: tu certè dum Buquoium æquare Principi contendis, tuæ ipsius technæ ignarus deijsis, inducis enim illum afferentem obsequentis non præcientis suum esse officium: fatetur ergo ipse Buquoius Principis imperium suo fuisse maius. Pergis tu, sed post ancipitem disceptationem dicendi onus volenti nolenti tandem Eugenio incubuit. Anceps scilicet disceptatio fuit, Peregrine: miror ferro non esse diremptam litem.

N. 111. *Oratio Buquoij instanti prælio Pragensi.*

Sere-

Serenissimus Dux Banarie conuocari vestras dominationes fecit, ut de hac congregandi occasione, quid sentiatis intelligat. Sententia siue dubio vestra erunt in bonum Religionis, Imperij, & Augustissima Domus Austriae. Vnum est presupponendum: prælium esse exercitum munus supremum, proindeq; non nisi debitus circumstantys subeundum. Nunc vero per inconsiderationem, præter ordinem à me prescriptum, instantas angustias perducti sumus, ut prima aciei nostra forma effecta sit errita, & nos hostibus ita obnoxij simus, ut fere necesse sit manus cum illis conserere suo arbitrio; non visis ratione montis, quibus loricis aut munitionibus, quibuscopys, aut quo ordine sint muniti. Unde factum est, ut quidquid virtute nostri hostibus præfert, tantum loci iniquitate hostibus accedit. Dicant ergo Dominationes vestre suam quicq; sententiam. Quod ad meam attinget, ita iudico; mutata prima forma, pugnandum esse cum quatuor phalangibus, binis Imperialiis & binis sua Celsitudinis militum; idq; magis ad dextram, ut inimici ex improviso aciem quoque suam redigere in nouam formam cogantur. Mihi non defunt iusta de his rationes, nunc tamen breuitatis causa reticende. In primis ad dextram deflectendo facilius in planite pares erimus hostibus & plura eorum tormenta aliter disposita, reddemus prorsus inutilia.

N. 112. Hac Buquoij de verbo ad verbum ex autographo unius Colonelli tum presentis & scriptum suum benignè mihi communicantis.

Hanc orationem de verbo ad verbum Buquoij fuisse, tu hiberna tua eloquentia non persuadebis. Quæso te, quid autographi fuit illius Colonelli? excepitne Buquoij loquentis dicta in castris? calami loco fortasse cuspidem halabardæ aut virgam imperatoriam usurpauit. Dices memoriarum condidisse, & post prælium chartis mandassc. tam firmam memoriam laudo in milite, sed non credo.

de

De pugna & regendis corporibus cura, animos tum occupauerat; nulla poterat esse memoriae ratio. Neque verum est, Buquoium deflexionem ad dextram suassisse, vt ab ea parte certamen contraheretur, sed voluit ipse viato hoste ad ciuitatem contendere, quod militarum virorum iudicio improbum visum, nam cedentes ordines nostros longo viæ spacio tormenta facile lacerassent & ex latere relictus hostis tendentibus fuisset exitiabilis, nec superabat alia facile ratio, quam aut pedem referre cum summo discrimine aut pugnam fortiter committere, ad quam tandem Buquoium Princeps adegit.

N. 113. Comparat Peregrinus Buquoium Fabio & Cæsari, illum refert, consilio ut non temere congregiatur, hunc vero audacia, ut hostem opportunè superet. Sed velim mihi Peregrinus denarret, quam audaciam in hoc prælio Buquoius ostenderit. ex oratione claret, quam ægrè ad manus volunt exercitum venire. In ipso conflietu euentum pugnæ in curru expectauit, cum interea summis in periculis Tillius Serenissimi Ducis Legatus acies committeret, cedentes stricto ense sisteret, subsidia submitteret, iubaret, animaret, inter ipsos telorum imbres, ut suis laborantibus adesset, volitaret, & strenui ducis pro veteri gloria munus obiret.

N. 114. Ceteri vero vix cœperant ordine loqui, cum à Torquato Comite nostri ordines à tormentis hostilibus plurimum percelli dicerent.

tur. Ait ergo Buquoius: Nunc ergo dextris, non linguis utamur. Si nomen Domini benedictum, eatur in hostem. Qua voce semel auditu non maior unquam fuit canum sagacium feras persequentium, quam universorum militum ad congregendum cum hostibus, alacritas. Inventum peroras, Peregrine, & dicenda prius fingis; facta decebat dicere. Concilio non interuenit Torquatus Comes, sed Vice Colonellus la Motta, qui retulit locum pugnandi tam iniquum non esse vti à quibusdam habebatur; tormenta quidem cladem inferre primò posse, sed impetu euadendum. Pugna igitur auctore Principe nostro, suffragantibus plerisq; Cæsarianis, decernitur. Itaq; Buquoius victus obsistere desijt, ac Tieffenbachio exercitum suum permisit vulnere detentus in curru.

N. I I 5. *Iam tuam fidem,* Lector benigne, compello, an non modicum iniidorum insana fuerit malignitas, qui Buquoium hec dicentem ac facientem susurrando fecerunt inuitum ad configendum, certo enim certius est, neminem potuisse esse promptiorem. Omnino Buquoio iniuriam facit, qui dicere audet eum inuitum ad canentia classica deuenisse, qui fidem tuis dictis habet; sed nos omnia audimus, non omnia probamus. Non nisi extremo consilio motus configere Buquoius sustinuit. Calcar certè addendum etiam à P. Dominico Carmelitano erat, qui distractos sententiā duces & Buquoium cunctantem his vocibus interpellauit: *Ego neque rogatus, neque vocatus ad concilium accedo atque idcirco confidentia mea veniam peto, & confidere vos inbeo, pugnamque capessere.* Audiamus Peregrinum.

gfinum. Hinc nomini Domini, eum in modum Buquoius benedit, quod è tandem rem adduxisset ut pugna vitari vix posset. Hinc injurandum interposuit ante aliquot dies, me audiente, prima data occasione, que non esset prorsus iniquissima, se cum hoste conflicturum.

Extendentem manus Buquoium, laudantemq; Diuos ob datam prælij occasionem vidit Peregrinus, sed non vidit Liechtensteinus tormentorum præfectus, qui obiurgatus non leui brachio à Buquoio fuit, quod contra præscriptum exercitum suum longius duxisset. Et credo destinasse animo Buquoium prima occasione cum hoste congregdi, sed occasionem intellexerat sibi commodissimam, hosti iniquissimam, quam Anhaltinus in magna apud Peregrinum bellicæ peritiæ gloria nunquam obtulisset. Hinc non obstante, pergit, vulnera molestissimo, fugientes rebelles noctu insecutus est, præmiso Gauscherio ad eos distinendos, donec inuadere illos posset. Quæ eius præmittendi prouidentia felici successu (inde enim Hungari amissis equis non solum turbati, sed sui totius exercitus turbatores fuerunt) non tam initium quam magna pars totius victoria fuit.

Gauscherium præmissum ad distinendos hostes, vt concidi à Buquoio possent, vero repugnat: nam Buquoius omnia alia quam pugnam volebat, neque ducenti, aut si vis trecenti Vngari per somnolentiam cæsi adeò turbarunt exercitum hostilem, vt terror ille initiu victoriæ fuerit.

N. I I 6. *Sit nomen Domini,* inquit Buquoius, benedictum.

Pias has voces à Buquoio prolatas non abnuo, sed nescio an aliæ quam Peregrini aures percepint. Ego in propinquuo surdus fui.

N. 117. Serenissimæ Bauariæ Ducis Elisabethæ duas preces ex Panegyrico Monacensi commemorat.

N. 118. *Tieffenbachio cum lachrymis efflagitanti dantur prius partes.* Fortissimum virum fortia patranda efflagituisse nullus dubito. cum lachrymis efflagitasse tantum heroëm, ut credam non adducor. Lachrymis mulieres supplicant, non viri.

N. 119. Recitatur fragmentum relationis hostium; in quo suam ipsi cladem describunt, fatenturque ingenitem in exercitu suo consternationem fuisse, Anhaltinus & Holochius ad finem restitere, equo Holochij interfecto, simul & cunctis nobilibus ad solos duos sublatis & sauciatis. Iuuenis Anhaltinus, Stubenuol, Stirum & Comes Schlick sese viros præstitere, reliqui omnes turpi fuga se subduxere.

N. 120. Peregrinus Valonizatus Valonibus in pugna primas defert & Momum iudicem appellat, nescio an Momi tribunal, ipsius tribunal sit.

N. 121. Argumentis aliquot etiuncere contendit Valones primam coronam meruisse. Locati fuere à dextris, igitur primum honoris locum habere censentur. Manifesta est hæc consecutio ex Liuio (locum subticer Peregrinus)

grinus) Dictator dextro cornu, Capitolinus sinistro intulit signum. Iterum In dextro cornu Romanos locat, in levo cornu socios. Nihil agis, Peregrine, locus non honorat militem, sed miles locum; nec perpetuò Dictatores aut Consules dextrum cornu tenuere; saepe ipsi in hostili acie hostem expetebant, & contra hunc stabant, quocunque in cornu. Pompeius certè, si quis alias Romanorum, honoris memor in Pharsalica pugna, qua respub. Romana concidit, sinistram partem regebat. Erant inquit Cæsar, lib: 3. de ciuili bello, in sinistro cornu legiones duæ transditæ à Cæsare initio dissensionis ex S. C. quarum una prima, altera tertia appellabatur. In eo loco ipse erat Pompeius; medium aciem Scipio cum legionibus Syriacis tenebat. Vides Peregrine summum Romanorum ducem in sinistro cornu. Cæsar in hac ipsa pugna contra Pompeium constitit, nempe in dextro cornu, staturus in sinistro, si Pompeium in dextro consperasset. Sed neque Romani semper in dextra acie, & socij in sinistra: nam apud Litium dec. 3. lib. 10. Scipio cum Hannibale congressurus Lælium cuius ante legati, eo anno Quæstoris ex Senatus Consulto opera vtebatur cum Italico equitatu ab sinistro cornu, Masanissam Numidasque à dextro opposuit. Ibi laxior honoris campus, ubi fortior acies aduersariorum; quam & hanc talem iudicauit Bauaricam Anhaltinus, idcirco in illam impetum fecit.

Sed cur Valones, inquis, qui erant à dextris præ cæteris laude licet dignissimis in hoc prælio laudantur? *Id libenter dicam, ne iustum quorumcunq; inuidiam meritò incurram.* Imò verò, mi Peregrine, inuidiam à te amouisses, si siliuisses; loquendo illa te oneras: omnis excellentia inter pares odiosa est, præsertim si sententiam ferat, qui parum intelligit. audiamus tamen te ratiocinantē. *In primis, inquis, quia plures ac præcipuos hostium sibi dedito studio oppositos, idq; breviori tempore fuderunt, fugaruntque.* Quot hīc linguae crimina Peregrine? Structa iam erat hostium acies, antequam tui Wallones ponticulum de quo supra, superarent; nec Anhaltino constabat, qua parte locandi Wallones erant, quomodo ergo præcipui hostium dedito studio fuere ipsis oppositi? Dein nulli fidem facies Anhaltinum tam albæ mentis fuisse, vt Hollachio militiæ suæ robur in sinistro cornu permitteret, ipséque debilio re cum agmine fortius agmen Bauaricum sibi desumiret impugnandum. At & citius fugarunt hostem, inquis, Wallones; oculum testem sine dubio hīc non citabis, quia ille tam propinquus non fuit, vt consiperet sanguinem. Alterum tuum pro principatu Wallonum argumentum est, *Minimum non cesserunt, ita loqueris, minimè latio sermone.* Fuerunt & alij, qui ne latum quidem vnguem cesserunt, nihil ergo eximij Wallonibus tribuendum. *Tertio, inquis, quia opimorem prædam retulerunt;*

da

da veniam, Peregrine, in cachinnos erumpo. Wallones præ cæteris in hoc prælio laudantur, quia plus deprædati sunt: illustrioris gloriæ arbitrabar hostes ferro cædere, quam cæsos spoliare. Lixæ & calones, contemptissimum exercitū agmen, præda sese onerant; miles, cui virtus ante alia, in aduersam aciem obtutum figit, ferrum rotat, & opimam sibi paratam prædam censet, si victri ci dextra hostem sternat aut fuget. Inspiciamus verò prædam Wallonicam; Principem Anhaltinum, tria prima tormenta, & periscelidem Friderici. Macte; & ceruos ego velocissimum cursu animal capere possum, si quis sit, qui genua currentis succidat. Iacuit Anhaltinus, meliora religione & fortuna dignus iuuenis, ex equo decussus & vulneratus parabilis sine sanguine præda. Prima autem tormenta in potestate Wallonū venisse, nescio quamverè assueres, oblitus fortasse abs te in prælio Pragensi scriptū. *A sinistris, Bauaricus exercitus egregie instans fortalitium sublimius fusi fugatisq; hostibus expugnauit duóq; tormenta (tria erant) acquisiuit.* Hæc tu ibi: Sed quomodo tua fuere prima? quos laudas testes? In confessō est, tormentis à Bauaro ademptis magis ac magis concidisse hosti animos. atque hæc ego non cō adfero vt quidquam decerpam de laude Wallonum, quos certum est fortissimè dimicasse; necessarium tantum existimauit prodere quam ridiculas causas Peregrinus proferat; optimè se Wallones gesserint; pessimè laudantur.

N. 122..

N. 122. Gautscherius & La Motte bellatores rem gerunt; Mekau dum subsidio est hostemque cedit, ceditur: Poloni in fugientes missi, Moldauam præcipitatis Hungaros implent.

N. 123. In sinistram Buquoianorum alam hostes incurantes Philippus Areyzaga Hispanus repulit, Petróq; Barannano de Aguirre vexillum violentia aduersorū, confosso signifero, reptum restituit; quatuor alijs egregia vindicta hosti ablatis. Laurentius Medices dux impiger tormenta palatio stellato proxima occupat.

N. 124. Hostes tria vexilla Buquoianis abripiunt, Colonellum Preinerum prehendunt: sed falsum est ab alio, quam à Crazio repressum Anhaltinum in Cæsarianos grassantem: Iuuat tamen tua postrema verba audire. Deinde, ais, suos commilitones Vallones qui iam longius erant progressi, fusi fugatisque ab omni parte hostibus, secuta est phalanx sinistra Germanorum generosè admodum repugnantium, vixque illatam ulciscentium. Agunt tibi non paruas gratias Germani Bupoij sacramento addicti ob tam insignem laudem; sequuti sunt illi Wallones, qui iam fuderant, fugauerantq; ab omni parte hostes. Quid ergo Germani præstitere? generosè repugnarunt. contra quos, inepte Peregrine? fusi & fugati ex omni parte iam à Wallonibus hostes erant. contra umbras fortasse & larvas Germanis prælium sicut tu tanquam larua loqueris.

N. 125.

N. 125. 126. Inuenitur Peregrinus in genus quoddam hominum, qui castra sequuntur lucri, non dimicationis causa. Hi cùm vidissent, quosdam de nostris cedere, nunciarunt Principi & Buquoio fugam: ergo equis uterque fugientes sisturus aduolat, sed inuenere suos vincentes.

N. 127. Ultimi hostium in quodam sinu non procul Stellā mactantur ab 300. Neapolitanis, qui Peregrino teste, dum pugnaretur, in subsidijs permanescere.

N. 128. Ad palatum Stellam eiisque saltum narrat multa millia confugisse.

N. 129. Sistit Buquoium Peregrinus immoto vultu in hostium castris.

N. 130. Hæc scribit, Accessit ad illum Buquoium primus, Baro Merod de VVarroux significans uniuersos, qui in saltu, palatioq; essent, dedere Buquoio se velle.

Publicè notum est trepidos hos & lanienæ proximos ad Bauariæ Ducem misisse, misericordiam postulantes. An etiam Buquoij clementiam solicitarint mihi non constat, & Peregrino ægrè assentior.

N. 131. Ex sedecim vexillis ad Stellam traditis, Princeps fuit regium, in quo erat, ait, Peregrinus, sphæra cælestis cum hoc emblemate. Diuerti nescio. quod emblemata sensu planè peregrino Peregrinus explicat; ego me tantam sphyngem non profiteor.

N. 132. Maior lux cerebro Peregrini orta illucet, nam

L

vbi

vbi in alio vexillo Peregrinus legit, *Bona causa tandem vincit.*
Ergo ait, *vincentis Ferdinandi bona est causa.* Ratiocinatio ista non mala est, sed sermo politicus non est, Cæsarem appellat haud aliter, quam si mediastinum suum appellaret. quis est iste Ferdinandus?

N. 133. Circumfunditur Buquoius vincentium coronam; adferuntur vexilla, adducuntur captiui, ostentantur spolia, monstrantur etiam vulnera, remunerantur signiferi.

N. 134. Gratulatur multa cum virtutis commendatione Buquoius Guilelmo Verdugo eximio Colonello.

N. 135. Idem benevolentiae genus confert in Preincrum, qui uno prælio non victus solum, sed captus etiam, & victor fuit.

N. 136. Etiam Tieffenbachius aliqueduces encomio Buquoiano condecorantur.

N. 137. Mandat Buquoius, quæ per noctem fieri velit, Polonosque traijcere fluuum, ad insequendos fugitivos iubet.

N. 138. Buquoium per 24. horas cibo abstinentem & iamiam coenare incipientem, *Inter alios unus*, inquit Peregrinus, *deinde alter interpellator tubicen pretensi regis literas à nescio quibus Anglis legatis attulit, quibus à Bauaro ac Buquoio expetabant, ut sibi aures benignè accommodarent, media aliqua proposituris, ut omnia si Düs placeret, commode transigerentur, sed eos nullo responso dignati illi sunt.*

Quæ prima verba tibi linguam pulsant, ea emit-
tis Peregrine. In aperto est ad Bauarum Anglos misisse,
apud Buquoium tu fortasse tubicinem egisti super men-
sa: & quis tibi in aurem susurravit Bauariæ Ducem non
respondisse legatis? respondit is certè, & quidem ea mo-
deratione in tanto victoriæ cursu, ut Angli humanitatem
eius in cœlum ferrent.

N. 139. N. 140. Consilium Peregrinus Anglis imper-
tit, ne fraude bella tegant.

N. 141. De numero cærorum, ait Peregrinus, etiamnum in-
certi sunt rumores. Et qui primò fuit apud Candidum Eblanum in
suo prælio Pragenſi, aliōq. de eodem scribentium certior rumor, de quinq.
millibus hostium occisis; iam die diei eructante verbum duplo ferè minor,
quam hostes ipsi desiderari agnoscunt, passim censetur. Ad nouem enim
millia cadaverum sepulta non pauci sunt, qui se literas Praga scriptas
vidisse affirmant.

Candidus Eblanius eximus scriptor Constantio Pe-
regrino dinumerauit acie cærorum funera; & ita testi-
monio Constantij Constantius affirmat, sed admodum
inconstanter. In suo excuso prælio interfectorum qua-
tuor millia pronunciat, iam cum numerum augere con-
tendit, per imprudentiam minuit, ait enim, iam duplo
ferè minor censetur; ita vix duo millia succubuerint, cum
tamen referat ex aliorum literis Pragæ nouem millia
fuisse terræ mandata.

Recenset post hæc illustriores hostium, qui in hac

pugna cecidere; & quia ego alium syllabum non vidi, Peregrinum non accuso, sed neque probo.

N. 141. Epaminondas cuidam obijcenti, inquit Peregrinus, quod Agamemnonis gloriam emularetur: falleris inquit. Nam ille totius Gracie praesidijs usus, decem annis nunquam caput urbem, ego uno die prosligatis Lacedemonijs, totam Graeciam liberaui. Ita plane Buquoius hoc uno prælio Pragensi totum orbem Christianum à Galuinistarū insidijs non tantum liberauit, sed Christianos Principes, ut inuisum Deo ac hominibus perduellium genus, facillimè exscindant, debellato coryphao, evenatisque eorum ubique aculeis, armauit.

Nesciebam adulationem tam bene perorare posse; itane Buquoius uno prælio totum orbem Christianum liberauit? vniuersus orbis Christianus haud quam periclitabatur; & tuus Buquoius tantus liberator esse noluit, cum pugnam detrectauit, Bauari enim sententia tenuit, uti armis decertaretur. Pulchre autem Peregrinus postquam omnē ferè belli laudem in Buquoio transfudit, etiam cum Bauariae Duce particulam communicat ait enim, Sed non soli Buquoio.

Inuide scriptor! æquas tu in victoria Pragensi cum Bauaro Saxonem, Spinolam, & Velascum: magna illa quidem sunt nomina, sed ad prælium Pragense nihil operæ contulerunt: aliunde hi duces illustres sunt; nullam famam Pragensis pugnæ depositunt. Ita Bauarus auctor prælij, qui primus hostem inuasit, qui supremus dux totius exercitus fuit, prælio prælens, Peregrino censorenihil habet,

bet, ut Buquoius omnia possideat, qui non solum in Bohemia palmam tulit, sed etiam in Austria superiore, quam nunquam armatus intrauit, nullam casam cuerit; ut neq; Buquoius, ait Peregrinus, debita sibi laude spoliandus, à quo in Austria detinebatur præcipius hostium exercitus, cum in superiorē Bauarus, in Lusatiam Saxo Elector, in Palatinatum Spinola penetravit. Itaq; ubiq; particeps gloriæ Buquoius est, etsi non ubique periculi. Cuius verò mandato tamdiu Buquoius exercitum in Austria inferiore detinuit? Ei jure noxiū provinciæ hostē iussus erat; quod si præstisset, plus gloriæ meruisset: quanquam Buquoius ab hoste potius detentus fuit, & liberatore Bauaro eguit. Finit Peregrinus numerum hunc pulcherrima sententia. Singuli, ait, complicam totam sibi suarum victiarum gloriam, nulli totaliter, seclusis alijs iure sibi depositant, uti verba inquinata, ita & iudicium.

N. 142. His semel dictis ut inuidie omnium quoad licet, occurram, aio iterum Buquoium in Cæsareo exercitu (primas in hac victoria extra controversiam obtinente) principem militie.

In exercitu, quem duxit, Buquoium principem fuisse nemo inficiatur; sed totius cum exercitus Cæsarei ducen fuisse Peregrinus nullus euincet. Bauaro id honoris à Cæsare cuius auspicijs hoc bellum gerebatur, tributum fuit, & verum est ad Pragensis prælij famam cæteras terras demississe cristas, respectareque cœpisse veterem dominum, arque ita sicut penes Principem Bauariae præcipua laus fuit deuictæ Bohemiæ, sic etiam submissio alia-

rum terrarum, quæ sese dedidere, ne paterentur, quæ tulisse audissent Bohemos, memorabili Bauari prælio adscribi debet. Tu autem Peregrine hoc modo occurris inuidiæ: ais palam, exercitum Buquoianum primas in hac victoria citra controuersiam obtinuisse. hoc est inuidiam conflare, non amoliri: non est tuum censorem militare agere. In prælio Pragensi, hoc est, in libello tuo priore refers Bauaros egregiè pugnasse, fortasse tui Wallones plusquam egregiè pugnarunt, certè tu plus, quam egregiè scribis, modò crederetur. Ridicula verò tua est iactantia. *Hungaria nostro semel, si non prius, conspecto exercitu supplex fiet.* Tertium iam mensem Hungaria vestrum exercitum conspicit, & nec tamen vllum supplex genu ponit, conspiciētque adhuc tertium, si Buquoius Fabium agere perget.

Sed agendum superest tibi aliquis in corpore sensus? Quomodo hīc vnum Buquoium exaltas? vnum illum omnium terrarum victorem inuidioso encomio effers, oblitus quæ in prælio Pragensi scripseris? *Nobilissimum inquis eo loco, prælium fuit, in quo Augustissimus Maximilianus Dux Bauariae Imperatorum multorum propago & singulorum propinquus in propria persona, spretis incommodis castris, & belli periculis, Principum confederatorum copias Pragam usque duxit, & verò introduxit ea celeri felicitate, ut iure possit dicere, veni, vidi, vici.* Hæc tibi, parum consentientia cum his, quæ hīc collutulas.

N. 143. Gaudium bonorum & dolorem Caluinistarū

ex hoc prælio perceptum commemorat. Inter dolores autem, qui præcipuum locum tenuerint, scribit ipse Peregrinus his verbis, *Proxima autem, ait, mœroris partes regi Magnæ Britanniæ non sunt denegandæ.* Ille enim de clade Friderici factus certior, galero in terram projecto, abdidit se aliquot dies deflens generi filiæq[ue] vices, & spes Caluinistarum funditus collapsas. Sed in eo melius illi, quam Bullonio Friderici auunculo stetit animus: quod hic dolore confessus viuere desierit, ille verò superstes tempori obedire non renuat. *Principis vero Mauritiū in nepotem pietas tanto cruciatus maiores experta est, quanto exaltatione Friderici exultabat spes ipsi, absoluti in prouincijs unitis imperij obtinendi valido nepotis subsidio.*

Quia Peregrinus oculatum testem propè omnium sese vendidat, auerem scire, an Londini vidisset excandescens & frementis regis mores, cum pileum in terram affixit, ob infâustum nuncium: Bullonium certè vidit mortuum, cum adhuc hodie in viuis agat: ita fabulas scribit & historias nominat. Sed & interiora Mauritij intuitus, sensamentis eius arcana nobis explanat, receptorus rei patefactæ præmium ab ipso Mauritio, ubi locus & occasio feret.

N. 144. In luetu quoque Bethlem Gabor iacuit, idèo sustulisse dicitur, ait Peregrinus, è medio, quotquot è prælio primi fugissent capitanei Hungarorum. Mihi de hac laniena nihil compertum, si fecit; inter occidendos vnius omissus fuit Gabor.

Hoc eodem numero enumerat speciatim peremptos

ptos è Buquoianis Peregrinus; & ne quis illum intetraget, cur Bauaros omittat, causam reddit, *De Bauaris*, ait, *occisis demto uno vel altero eminus à tormentis, nihil indagine quacunq; comperi. Sauciatus verò quam plurimis vulneribus fuit Dominus Pappenheim* (Papenheim debebat Hibernus dicere) *celeberrime fortitudinis, & alij aliquot inferioris notæ.* Indagine non erat opus præsenti & videnti, Peregrine, cùm alia oculis videris, cur non & stragem Bauaricam? fateor ipse non multos desideratos, sed non ideo segnes in pugna fuere, nam ipse affirmas, in Pragensi prælio Bauaros fortiter rem gesisse, aīs enim, *A sinistra Bauaricus exercitus egregiè instans fortalitium sublimius fusis fugatisque hostibus expugnauit.* Ad decus & famam Bauarorum pertinet strenuè pugnasse, & paucos amisisse, nam cädere gloriosum est, non cadere. Omnipotens iudico Diuorum auxilio euenisce, vt è Bauarianis pauci succumberent; vulnerati alioqui plurimi fuere, & audio ex præcipuo chirurgorum supra trecentos & quinquaginta sauciatos è Bauatis fuisse. Scire numerum poterat, qui curabat. cruentiorem apud te tuorum aciem, qui volet, apud te contempletur; cecidissent pauciores, si initio pugnæ non cessissent.

N. 145. 146. Aīs, tuos victores fuisse cum luctu, monesque ereptos ab hoste vt sint grato animo erga libatores suos.

N. 147. 148. 149. 150. 151. 152. Repetit Constantius

tius Peregrinus ex Candido Eblanio, hoc est, ex se ipso, quæ in Pragensi prælio consarcinauerat. I. Hanc victoriā ex Caluinistis Sanctorum hostibus reportatam fuisse opportunam, quod incidisset in octauam omniū Sanctorum: in Dominicam, qua Euangelium præcipit reddere Cæsari, quæ sunt Cæsarī: in vigiliam, vt ipse loquitur, Dedicationis Basilicæ Saluatoris, vt templorum expilatores punirentur: iuxta Stellæ palatum, vt apparet cælitus datam à Principe Bauaro eius diei testeram, nomen Mariæ, quæ stella dicitur: iuxta saltum ferarum timidissimarū, quibus similes sunt fugiendo hostes. Hæc tua cogitata Peregrine, sed quædam aliorum inuenīta; nam tu non primus, qui obseruarit Euangelium illius dīci Dominici, quod iubet Cæsari dare, quæ Cæsarī sunt; aliena pluma spectari cupis.

Deinde illustris fuit, censente Peregrino, ob tres aurei velleris equites præsentes, Serenissimum Bauarum, Buquoium, Ducem Croy; ob sex Duces, Bauarum, Croy, Saxonem, quem non nominat, & tres Weinmarienses; ob Principes è quibus vnius duntaxat nomen exprimit, Caroli nempe Liechtensteinij, & præterit potissimum, supremum scilicet aduersæ partis Ducem, Anhaltinum, vti & eius filium, bellatorem insignem. Ob Marchiones, Comites, Barones, aliósque ex varijs terris herōes. Demum iusta fuit, quia obtenta à Cæsare, cui ius in regnum

ademptum. Hæc sunt acumina Peregrini, quæ non capo, quia non sentio.

N. 154. A cœna Buquoij transit Peregrinus ad auroram sequentis diei, quo irruptionem in urbem Valonibus frustra prohibuit. *Ciues verò, inquit Peregrinus, minoris urbis (constat Praga tribus urbis, Minore, quæ est pulcherrima, veteri, ac Noua) in tanto periculo sibi sapienter consuluerunt, missis, quibz vltro claves offerrent. Et patuit statim proximis nostrorum militibus porta, nullo obstante.*

Non omnia nosti, Peregrine; audita prælij fama eodem adhuc die Minoris urbis ciues Serenissimo Duci felicem aduentum gratulati sunt, imperium eius, quem loco Cæsar is adesse nossent, accipere parati.

N. 155. 156. Miratur Peregrinus nocte pugnam subsequente neminem ex indigenis inuentum, qui pro salute Palatini excubaret, idque adscribit nescio cui Caluinianæ graueolentiæ. inò addit ista, *Iudei Pragenses pro coru Caluinianorum extirpatione, ieiunia publica, ut mihi constat, orationesque instituerunt. Lutherani ac Hussite de eorum exitio jubilantium more exultauerunt.*

N. 157. *Cum verò inquit Peregrinus, exrex nostris adiutum patefactum esse intellexisset: ita inopinato nuncio cum omnibus suis percussus est, ut vastis argenteis omnique ferè derelicta suppellectile (regni coronam frustra auferre voluit) fugam præcipitauerit.*

Non expectatuit patefactas hosti portas Palatinus; ubi primum dilitixerat, præproperè fugam capessiuit, portæ demum ad horam octauam referatae sunt.

N. 158.

N. 158. In ponte magna est Crucifixi imago, à Caluinistis frustra ad rogum expedita: quam ne videret exregina Palatini uxor interdixit sibi quam diu Praga fuit omni per pontem transitu, Nolo, inquit, balneatorem istum nudum semel assicere. Crucifixo tamen in ponte prostante, hodie festivans transiuit: sublata illi molestia reuiseendi crucifixum, ac per pontem ulterius transeundi. Impia hæc, si Angla fecit, regni amissione & exilio luit.

N. 159. Describit Buquoij ad vndecimam in urbem ingressum, & præcipuum eius vexillum, in cuius una parte legere erat, *Exurge Deus & iudica causam tuam.* In altera sub icone B. Virginis. *Monstra te esse matrem.* sed festiuas sunt Peregrini verba postrema, *De cuius Buquoij ad Deum quotidianis deprecationibus ex Terentio dicam:* multa credo reperiuntur in Terentio ad Buquoianas preces pertinentia. Sed quid ex Terentio dicas Peregrine?

Tu pol, si sapis, quod scis, nescias.
Ego verius Peregrino dicam, Tu pol, si sapis, quæ nescis, scias; alioquin piaculum committes, si scripseris.

N. 160. 161. Serenissimus Bauariæ Dux hora 12. Pragam inuehitur. *Difficile est dictu, inquit Peregrinus, quantis partim encomijs, partim vultus applausu omnium honorum exceptus fuerit.* Hic, inquit, est magnus Bauariæ Dux Maximilianus sui consobrini Friderici propter Deum oblitus, sui commodi propter commune bonum incurius, suæ etiam vita propter fidem ac Ferdinandum Cesarrem prodigus. *Hic est emulationis inueterata inter augustissimas dominos Austriacam ac Bauaricam, charitate erga Deum, suamq; ecclesiam in sempiterne necessitudinis fædus transformator.* O gratum Dei obsequium,

M. a

beata

Constantius Peregrinus

beatum Christianis omnibus gaudium, optatissimum toti imperio beneficium? Nullus in illo post tantam victoriam fastus, nihil felici successu insolens, nihil in toto homine incompositum. In tanta denique vestiu modestia, vultus serenitate, laudum odio, mihi, ne solus tacerem inter tot Encomiastes, quot erant homines, illud Martialis de Nerua Traiano dicendum ei occurrit

Bauaret tibi est recti reverentia & equi.
Quanta Numa fuerat; sed Numa pauper erat.
Ardua res hæc est, opibus non tradere mores:
Et cum tot Cesos viceris esse Numam.

N. 161. Cum Numa enim Basilicarum plurimarum est extuctor, tantoque ut in festo Basilice Saluatoris Praga potiretur, dignior. Cum Numa, imò supra Numam, Dei purum cultum subditis volentibus nolentibus commendauit. Cum Numa Sacerdotibus, ac sacratis Virginibus numero incredibili domicilia dedit, ac dotauit. Cum Numa denique, seu potius ultra Numam non fanatica, sed Catholicæ pietate, & iustitia Christiana præfulget, nec opibus aut victorijs mores tradit.

Panegyricum tandem Peregrinus Serenissimo Duci dicit, quo sperat aboleri posse ea, quæ reliquo libro non sine iniuria calamo imprudenti profudit; neque verò hoc loco prudenter scribit, cùm nescio, quam æmulationem inter Austriacam Bauaricamque domum inueteratam in lucem profert. Nulla aut huius aut alterius æmulatio in laude est, & tamen vtrique Peregrinus hanc notam inuitit; laudare scilicet Peregrinus vituperio solet, laudet & seipsum.

N. 162.

castigatus.

N. 162. Vterque exercitus in acie ex albo colore sanguinem gestauit, quod æmulati ciues Pragenses victoribus albicantes occurrere. Mira sunt Catholicorum studia & officia in hospites, ac potissimum spectabilis est Carolus König à Königsfeld Candidi Eblani coniuvicator. Damus aliquid mensis & epulis, Peregrine, vbi bene comedisti, bene loqueris.

N. 163. 164. 165. 166. Buquoius ex morbo decumbit, mandata dat, seriisque apud rapacem militem prædas vetat, frustra. Præcipui ducum, præcipui prædones: & ne sinistre quis suspicetur de Wallonibus, *Habent in exercitu, inquit Peregrinus, Germani Prefecti inaudita multa priuilegia prescriptione sola, non vero auctoritate usurpata: quibus cum volunt & quantum volunt, veluti liberati à legibus, manibusque ferule subductis, superiori obstante. Nesciebam Peregrine, solis Germanis longas fuisse manus: quanquam & alios adnumerare, sed Germanorū duntaxat discipulos. Horū Germanorū exemplo alijs audientes sunt Prefecti à Germanis diuersi. Ex quorum numero aliqui tanquam maiores muscae, aranearum telis, id est legibus in se quidem, sed non in vulgo infirmis perruptis, deprehensi sunt egredi raptore. In quos Buquoius excandescere solum nullam autem potestatem exercere potuit. Nobile disciplinæ exemplum, si summus dux militaria crimina plectere non audeat. De Germanorum priuilegijs quod refers nemo capit, priuilegia ad malum nemo dedit, nemo accepit. Si contra vetum prædas agere consuetudinis est, sit & consuetudinis*

M 3

suspense

Constantius Peregrinus

suspendium. Germanorum male facta non excusant cæteros, si exemplo vtantur, quanquam non arbitror alias nationes egere magistris Germanis; quis est enim in hoc genere indocilis?

N. 167. Omissa, ait, scelerum Buquoio supplicia, ne maius malū crearet: præstare magna tum crima, procul à castris cognoscere. Ceterum, ait Peregrinus, cum quod vellet Buquoius facere non posset, voluit id quod potuit. Edicto squidem severissimo cauit, ut ab urbe Pragensi ad suas statuas vniuersus abiret Cæsarianus exercitus nullo dempto. Quo certè id accidit, ut saltē qui essent deinceps Cæsarii vel Bauarici milites in ciuitate Pragensi raptores (prius quicquid delinquebat coquus, tibicen, seu pro sone insōns, ex uno pro altero exercitu luebat) nemo nesciret. Ergo bonis auibus in statuabat ad Karlstein coronę custodiā expugnandā. Karlstein, inquis tu, est castrum Bohemiae munitissimum, in quo asseruari solebat regium dia dema: cuius pro tempore Burgravius in Bohemia regem eiisque heredes (quo solo si aliud non esset, regnum Bohemiae esse hereditarium luculentissimè constat) his verbis jurare solet. Et in Iunio anni 1617. Comes de Thurn munere Burgraviū fungens, in Ferdinandum II. potentissimum ac pientissimum regem (contra quem periurus ac perfidus tot tragedias deinde suscitauit) ipsum hoc, quod subjicio, iuramentum nuncupauit.

Iuramentum Burgrauiorum Karlsteinensium ab ipso Henrico Matthia Comite de Thurn nuncupatum.

Iuramus Domino Deo, omnibus Sanctis, Serenissimo Principi, ac Domino, Domino Ferdinando Romanorum, Vngariae, Bohemiae &c. regi: tanquam Bohemia & sua Maiestatis heredibus legitime à sua Maie-

state prouenientibus: & omnibus dominis &c. Non ambigo, Peregrine, Catilinam illum Bohemiae Turnum formulam hanc iurandi usurpasse; sed aio non omnia hæc verba usurpasse; nam eo tempore, quo in verba Ferdinandi regis Turnius iurauit, Cæsar Matthias adhuc viuebat, Romanorum Rex Ferdinandus nondum erat: quomodo ergo Turnius dixit, se iurare Ferdinando Romanorum Regi: nec potes dicere ab Turnio hoc iuramentum dictum Cæsari demum electo: nugæ; nihil iurauit, abiurauit perduellis.

N. 169. Karlstein castrum sexcentis Anglis præsidij causa in sessum Maximilianus à Liechtenstein solo victoris exercitus aduenientis terrore in dditionem accipit, non sine dedecore Anglo, propulsari enim vis poterat abundantia rerum iuuante.

N. 170. 171. 172. 174. Buquoius Comitem de Biglia coniugis fratrem ad Imperatorem; Baronem vero Merod de Warroux ad Archiducem Albertum victoriam obtentæ nuncios misit: alijs quicquam significare supersedit versiculos illos tritos iactitans:

Nec te collaudes, nec te culpaueris ipse
Hoc faciunt stulti, quos gloria vexat inanis.

Intelligo, Peregrine, quò collinees: quæro an Buquoius per suos hos legatos rerum futrum gestarum interpretes collaudari voluerit? si affirmas; vides in qua tributant-

bu tantum virum constituas : si negas, poterat erga ad plures eadem ratione successum pugnæ prescribere. Interest ubique Principum Catholicorum pernosse rem catholicam bene esse administratam; interest etiam cognati sanguinis: deinde operam istam prudenter omisit Buquois: pertinebat enim hoc officij ad supremum belli ducem, Bauariæ Principem.

N. 175. Silentio Buquoio in tanta laudum opportunitate gratulatur per literas summus Pontifex & rex Hispaniæ; sed istud hi ipsi luculentius multo, imò pro merito summi Dicis, præstitere Serenissimo Bauaro.

N. 176. In ipso S. Martini festo, inquit Peregrinus, tota Praga (duæ partes trans flumen uno die tardius, quām minor urbs, se submiserunt) in regis Ferdinandi arbitrium iuravit, ingenti aceruo confederationum (statuum innumeris sigillis, iuramentis que confirmatarū) cum Silesijs, Morauis, Hungariis, Hollandis, Vniuersitis, liberis ciuitatibus, Turcisq; ipsis (rescissis pari facilitate qua perfidia initis pactis) producō. Non abnuo ista facta. Sed cur tu præteris Duci Bauariæ Cæsar is locum tenenti sacramentum ab Ordinibus & ciuibus Pragensibus dictum? Buquoio dixissent, si penes ipsum summa potestas fuisset.

N. 177. Agit de fuga Palatini, & inter cætera sic finit, Fridericus regnandi cupidus, audita suorum fugâ, fugiendo vniuersos celeritate præuerit. Nec eo contentus, gazam fere omnem, & mundum coniugis muliebrem, ipsos quoque calceos, filiorumque suorum gladioles galeros, uestes, industria, imò verò ipsamet Biblia sua, & uxoris, ac viriisque bibliothecam (in qua plures erant comediarum quām pietatis libri).

libri) intanta festinatione hostibus spolia reliquit. Quem fugiendo, vt Iob prædictus, vnde terribant formidines, & involuebant pedes eius. N. & sonitus terroris semper in auribus eius. Hæc intelligo, Peregrine, sed quæ sequuntur non intelligo. ais, Quod enim Octavia erat surdo verbere filio Neroni &c. Agrippinam Neronis matrem esse adhuc arbitrabar, tu vero Neronem filium Octaviæ scribis. vxor ista fuit, & calce imperatoria vterum, quem gestabat, percussa interiit. Omitte vetera, erras in hodiernis.

N. 178. 179. 180. 181. Ex indice libro inter alios reperto deprehendit Peregrinus, quod cogitarit Egens Palatinus expilare Bohemia regnum in annum sequentem ad sustinenda belli onera nouis vectigalibus.

N. 182. Adeò ad incitas perducti sunt perduelles, vt ex opulentissimis vñus à Buquoio centum florenos emendicare non erubuerit. obtinuit à liberali duce trecentos.

N. 183. Iubet Peregrinus sibi ipsis Imperij Electores & Principes ob hanc victoriam gratulari.

N. 184. Agit de pasquillo quodam in Fridericum, materia tanto scriptore digna.

N. 185. Decimo sexto Nouembris, post emissum, inquit Peregrinus, à Statibus Bohemia iuramentum & solenniter cantatum Te Deum, magnus Bauaria Dux Maximilianus, substituto Principe à Liech-

Constantius Peregrinus

Liechtenstein Generali Imperatoris Commissario, relictōque exercitu Bauarico ad Bohemiam in officio continendam, plenus gloria coram Deo & hominibus, sapient salutans ac resalutans per se ac suos Euquoium, sui desiderio cunctis probis relicto, remeauit in Bauariam.

Nihil h̄c induco, Peregrine, nisi prima verba & pro decimo sexto die, substituo decimum septimum; & quia tu literas Serenissimi Ducis commendatitias ad Imperatorem compendio adferis placet & huc transcribere. Ad S. C. Majestatem, inquis, in laudem Buquoij Novembris 20. scripsit in hunc sensum.

Non ignota S. Cæs: Majestati, sed dudum comperta, ac plura esse Buquoij bene merita. Se vidisse eum quamdiu simul essent in bellica expeditione nullis laboribus, aut periculis parcere in promouendo S. C. Majestatis seruitio; adeoque non potuisse se minus facere, quam hoc testimonium fidei ac diligentiae ipsius perhibere, simulque cum omni humilitate S. C. Majestati supplicare, ut ei fauere semper perget, eo magis quod nunc affatim haberet, quod ei conferre posset. Exemplar vero harum literarum ad Buquoium misit in sui erga eum singularis affectus testimonium; quo etiam constaret, quanto desiderio teneretur, ut sibi ac sumptibus consuetæ hospitalitatis, quod sufficere posset, Buquoius se procurante haberet.

Lege & relege has literas, easque cum ijs confer, quas Buquoius de obtenta victoria ad Cæsarem dedit: nulla in ijs Bauarici herois laus, nullus fauor, nulla mentio.

N. 186. Monachium vigesimo septimo Nouemb. sanus sospesq;. sed clam pre incomparabili animi qua est modestia, Bauarus intravit. Quacunque illi erant preparata triumphalia vetuit erigi, & quae erecta erant

erant repente tolli, in solum Deum largitorem omnium bonorum, quicquid preclarè factum esset referens. Supra diem omisisti, hic ne quis te sordidum dicat, duos adjicis: nam Serenissimus 25. Catharinae Virginis sacro Monachium appulit.

N. 187. Die quo Bauarus Praga abijt, inualetudo Buquoij auxit, & quidem cum vitæ periculo, quod suâ vitâ multi militum optarent redemptum. Sed audiamus præcipuum Buquoiani morbi incrementum ex ipso Peregrino. Multam, inquit, mihi videbatur augeri magnanimi hominis morbum suppressus internus dolor, veniebatque mihi in memorem Agrippa, qui teste Xiphilino dicere solebat, Principum esse morem, nullum sibi ferre parem, eosque per se suscipere bella, que facilis habitura essent victoriam, alijs vero committere pessima queque ac difficultissima. Sibique tamen imputare omnem laudem ac gloriam ab eis acquisitionem. Quod voluit Lucanus dicens: Nulla fides regni socijs, omnisque potestas Impatiens consortis erat.

Si nullo alio argumento nossem, Peregrine, te despere, isto solo & vno ad hanc opinionem adducerer, an inuidia alienæ laudis pectus Buquoij oppressit? Quid dicas Peregrine? eccuius gloria illum tam altè fodicauit? sine dubio Bauari; qui tanto maior fuit, quo is generosius contendit ad prælium committendum, tergiuersante Buquoio. Sed quando is parem non tulit? Buquoius neque genere, neque potestate Bauaro Duci par fuit. Quod vero bellum per se suscepit Bauarus, quod facilem habuit victoriam? an Bohemicū? ecquid ergo duos

ab hinc annos Buquoius valentissimo cum exercitur bellum non consecit in tanta facilitate victoriæ? Quid superioris anni æstatem trivit in Austria, & hostem occupare imperatorias terras impunè sustinuit? si facilis victoria fuit, damnandus otiosè residentis torpor fuit, Peregrine. At pessima quæque imo & difficillima à Princeps Buquoio commissa fuisse nunquam ostendes: demisit ubique fastigium Princeps & propè infra personam suam humanus fuit; nisi tu ab eo peccatum existimes, quod pacatâ Praga Buquoium in Morauiam proficiisci, & reliquias belli persequi mandarit. Hem istâne difficilima sint imperia post fractos prælio hostes & terras ipsas pauore exanimatas? Ipse tu postmodum refers mox ad famam aduentantis Buquoij præstò fuisse provinciæ legatos, qui se suaque potestati Imperatoris subiicerent. Tantæ molis erat Morauiam subiugare. Contumelia vero est, quod Bauarus imputarit sibi laudem ac gloriam ab alijs acquisitam: propriam obtinuit, quia si fruitur, nemo nisi malignus vitio vertet. Quid gloriae per Buquoium acquisiuisset? obstitit tamen gloriae materiae, cùm prælium noluit.

Sed peccata tua cætera, Peregrine, condonari possent; inexpiable postremum est, quod ex Lucano committis: *Nulla fides regni socijs.* Socij (vti tu tibi fingis, Princeps enim socium non habuit) fuere in hac bellica expedi-

peditione Princeps & Buquoius; ergo nulla fides & huic & illi, vel certe huic, vel illi, elige quod malis; in neutra præcipitem linguam piabis: nimirum perfidia summa laus est, qua aut Principem aut Buquoium exornas.

N. 188. *Multis enim videbatur importunè in Morauiam ad novum bellum virgeri Buquoius tam graui morbo oppressus, cum frigidus ab intentissimo gelu ac niibus horror membra omnium quateret.* Hoc vulnus est, Peregrine, quod doluit, importunè in Morauiam virgebatur Buquoius æger: quasi verò ad ægri lectū etiam fessitandum fuisse militi. Mittere cum legato copias poterat & debebat, ne spacio respirandi hostibus dato in consilia rursus coirent, & arma repararent.

N. 189. Laudat Peregrinus in tanta prædæ opportunitate abstinentiam & animi religionem Buquoij.

N. 190. 191. 192. *Pragâ* Buquoius mouet, & Morauiam petit.

N. 193. *Per Daizbrodium, inquit Petegrinus, Iganiam, vulgo Triglau, in Moravia, decimo sexto Decembribus aduenit. In quem locum statim accesserunt Moravorum legati, quicquid ipse mandaret impleturi.*

N. 194. Messeritij Natalem Seruatoris nostri agit, & creptum Catholicis templum restituit.

N. 195. Eybethizij milites & tormenta inuijs vijs impedita expectat, bellicis consilijs intentus.

Finio hic tecum expeditionem Bohemicam Peregrine, nam alia quæ insequuntur talia sunt, ut Buquoio tuo

N. 3 nullum

Constantius Peregrinus

nullum riualem extimescere habeas; summus enim inter
suos esse rursus cœpit, cùm à Bauaro secessit: neq; mihi
vnquam lubido fuit virum incessendi, accusare aliquan-
do debui, quia tu Principem meum accusabas, & milita-
rium peccatorum culpas in hunc, gloriæ splendorem in
illum transferebas. Nec mihi Buquoius, si ritè eum no-
ui, succensere poterit; succenseat illi, qui impotentis lin-
guæ procacitate alios lacestiuuit, vt loquerentur. Senex di-
ceris, & doctus Peregrine, sed nec dum didicere cani tui
non esse cum Principibus verborum insolentiâ bellandū,
multò minus contumelijs aut iniurijs; non ferunt, non
patiuntur, & licet foro subinde seruant, premantq; imo
corde quod sentiunt, manet tamen irquietus fomes,
qui cum occasione flamas agit in perniciem eius, qui ma-
teriem ministrauit. Antequam scriptioni te dares, pensi-
randum tibi erat, quid operis susciperes? quid periculi a-
dires? cuius disceptatoris partes susciperes? Demus enim
(nequaquam alioquin damus) non iniuriâ Buquoij con-
tendere de gloriæ principatu cum Bauaro, & litem omniū
sermonibus feruere dubiam, tantine tu apud teipsum, e-
ras, vt Iudicem teipsum nominares, & tantam inuidix
molem tuis humeris librandam suscipere auderes? Ab al-
tero certè parùm emolumenti, ab altero multùm pericu-
li imminebat; sed tu prætulisti offam, offendam pro nihi-
lo subiturus, sine mente, sine iudicio; sed & frustra, nam

Bauari

castigatus.

Bauari Duci egregiè facta in laude & luce versantur æ-
ternâ: Nullæ obtrectantium nebulae, nullæ liuoris nubes
illa vnquam obtegent. Agnoscit ipse Caesar fidissimā &
fortissimam Bauari dextram, agnoscit Austria Domus co-
gnato ferro defensa, agnoscit omnis orbis Catholicus,
cui Caluinianorum Acherontica versutia exilium mina-
batur, & verò etiam inferebat; sed tragediæ cursum in-
tercidit Boicus Heros MAXIMILIANS Princeps, qui
de se iure merito dicere potest

Super alta perennis

Astra ferar, noménq; erit indeibile nostrum,

Quáq; patet domitis Romana potentia terris

Ore legar populi, pérque omnia sæcula famâ,

Siquid habent veri vatum præfagia, viuam.

Sed de tuo libro Peregrine quæ auguria? non igno-

ras certè ipse quid stilo merueris: *Forsan, Cais, postrema*

tu verba sunt) remunerandus ut alter Marulus Calaber, cuius poëma

Attila concremauit, quod Regium Hunnorum genus ad Deos retulisset.

Iusta tua de tuo libro sententia, nec intercedo; nam librū

tuum emendare nemo potest, præter Mulciberū. Nimiū

atrum censorem dices; non nego, sed neque can-

didus scriptor fuit, qui Candidi nomen

mutauit.

E R R A T A.

Pag. 2. v. 20 Lege, presens non caligârit. p. 23. v. 23. l. Patrasset. p. 45. v. 16. l. que

p. 47. v. 14. l. rautus non erit. p. 86. v. 6. l. Magnatum.